



Reykjavík, 11. febrúar 2026

MSS22100084

Ráðhús Reykjavíkur

Borgarráð

Efni: Varðandi viðauka við þjónustusamninga við sjálfstætt starfandi leikskóla

Sviðsstjóri skóla- og frístundasviðs vill koma því að framfæri að borgarráð samþykki að fela honum að gera viðauka við þjónustusamninga tilgreindra sjálfstætt starfandi leikskóla í meðfylgjandi minnisblaði sviðsstjóra skóla- og frístundasviðs, dags. 11. febrúar 2026, vegna óska þeirra um að heimilt sé að víkja frá ákvæði í gr. 6.3 samnings aðila um innritun eftir kennitölu, elsta barnið fyrst.

Til samræmis við rökstuðning og nánari lýsingu í minnisblaði, dags. 11. febrúar 2026, verði fallist á að sett verði sérákvæði í viðauka við þjónustusamninga vegna eftirtalinna atriða hjá tilgreindum sjálfstætt starfandi leikskólum sem sótt hafa um það:

- a) Ef þess gerist þörf er heimilt að innritun taki mið af aldursdreifingu, stuðningsþörfum, lengd dvalartíma, stærð kennslurýmis og samsetningu starfsmannahópsins/innritun inn á deildir, sbr. 12. gr. laga um leikskóla nr. 90/2008. Innritun eftir kennitölu inn á deildir gildir, elsta barnið fyrst, til samræmis við aldursviðmið deildar. Gerð er krafa um að þeir sem óska eftir heimild til frávika á þessum grundvelli veiti upplýsingar um fjölda barna á hverri deild og aldursviðmið deilda. Frávik miðast við þær upplýsingar.
- b) Innritun fimm ára barna í samrekinn leik- og grunnskóla þar sem ekki er rekinn heildstæður leikskóli fari eftir aldri umsóknar.
- c) Tveim leikskólum sem fylgja hugmyndafræði Hjallastefnunnar verði heimilt að innrita eftir kennitölu með þeim hætti að horft sé til kynjaskiptingar í undantekningatilvikum þegar á reynir.
- d) Nemendur Háskóla Íslands sem búsettir á höfuðborgarsvæðinu og í sveitarfélögum hvaðanæva að um landið fái eingöngu aðgang að einum tilteknum leikskóla.

Til samræmis við rökstuðning og nánari lýsingu í greinargerð minnisblaðs dags. 11. febrúar 2026, verði synjað beiðnum um að sett verði sérákvæði í viðauka vegna innritunar í leikskóla vegna eftirtalinna atriða hjá tilgreindum sjálfstætt starfandi leikskólum:

- a) Viðtal sem leiðir í ljós sameiginlegan skilning á uppeldisstefnu og áherslum í barnastarfi, fyrsta val foreldra á uppeldisstefnu.
- b) Forgangur yngri systkina.
- c) Forgangur foreldra í viðkomandi hverfi.



- d) Forgangur einstæðra foreldra í hverfi viðkomandi leikskóla.
- e) Aldur umsóknar á ungbarnaleikskólum.
- f) Lífsskoðanir foreldra.

Virðingarfyllst

Steinn Jóhannsson

sviðsstjóri skóla- og frístundasviðs

Hjálagt:

Fskj. 1; Minnisblað sviðsstjóra skóla- og frístundasviðs dags. 11. febrúar 2026

Fskj. 2; Drög að viðauka við þjónustusamning sjálfstætt starfandi leikskóla

Fskj. 3: Fyrirmynd að þjónustusamningi við sjálfstætt starfandi leikskóla



Minnisblað

Reykjavík, 12. febrúar 2026

MSS22100084

Til: Borgarráðs

Frá: Sviðsstjóra skóla- og frístundasviðs

Efni: Varðandi viðauka við þjónustusamninga við sjálfstætt starfandi leikskóla

Sviðsstjóri skóla- og frístundasviðs vill koma því að framfæri að borgarráð samþykki að fela honum að gera viðauka við þjónustusamninga tilgreindra sjálfstætt starfandi leikskóla í greinargerð í minnisblaði þessu vegna óska þeirra um að heimilt sé að víkja frá ákvæði í gr. 6.3 samnings aðila um innritun eftir kennitölu, elsta barnið fyrst.

Til samræmis við rökstuðning og nánari lýsingu í greinargerð sem fylgir hér að neðan verði fallist á að sett verði sérákvæði í viðauka við þjónustusamninga viðkomandi leikskóla vegna eftirtalinna atriða hjá tilgreindum sjálfstætt starfandi leikskólum sem sótt hafa um það:

- Ef þess gerist þörf er heimilt að innritun taki mið af aldursdreifingu, stuðningsþörfum, lengd dvalartíma, stærð kennslurýmis og samsetningu starfsmannahópsins/innritun inn á deildir, sbr. 12. gr. laga um leikskóla nr. 90/2008. Innritun eftir kennitölu inn á deildir gildir, elsta barnið fyrst, til samræmis við aldursviðmið deildar. Gerð er krafa um að þeir sem óska eftir heimild til frávika á þessum grundvelli veiti upplýsingar um fjölda barna á hverri deild og aldursviðmið deilda. Frávik miðast við þær upplýsingar.
- Innritun fimm ára barna í samrekinn leik- og grunnskóla þar sem ekki er rekinn heildstæður leikskóli fari eftir aldri umsóknar.
- Tveim leikskólum sem fylgja hugmyndafræði Hjallastefnunnar verði heimilt að innrita eftir kennitölu með þeim hætti að horft sé til kynjaskiptingar í undantekningatilvikum þegar á reynir.
- Nemendur Háskóla Íslands sem búsettir á höfuðborgarsvæðinu og í sveitarfélögum hvaðanæva að um landið fái eingöngu aðgang að einum tilteknum leikskóla.

Til samræmis við rökstuðning og nánari lýsingu í greinargerð minnisblaðsins verði synjað beiðnum um að sett verði sérákvæði í viðauka vegna innritunar í leikskóla vegna eftirtalinna atriða hjá tilgreindum sjálfstætt starfandi leikskólum:

- Viðtal sem leiðir í ljós sameiginlegan skilning á uppeldisstefnu og áherslum í barnastarfi, fyrsta val foreldra á uppeldisstefnu.
- Forgangur yngri systkina.
- Forgangur foreldra í viðkomandi hverfi.
- Forgangur einstæðra foreldra í hverfi viðkomandi leikskóla.
- Aldur umsóknar á ungbarnaleikskólum.
- Lífsskoðanir foreldra.



Greinargerð:

Á fundi skóla- og frístundaráðs þann 27. janúar 2025 og í borgarráði þann 30. janúar 2025 var samþykkt að fela sviðsstjóra skóla- og frístundasviðs að gera samninga við tilgreinda sjálfstætt starfandi leikskóla í Reykjavík. Gildistími samninganna verði frá 1. janúar 2025 til 31. desember 2027.

Jafnframt var samþykkt að ákvæði 6.12 samningsins sem varðar beiðnir sjálfstætt starfandi leikskóla um frávík frá innritun eftir kennitölu, elsta barnið fyrst, í gr. 6.3 samningsins, komi ekki til framkvæmda vegna innritunar vorið 2025 heldur komi til framkvæmda eigi síðar en 1. júlí 2025. Vegna innritunar fyrir komandi skólaár 2025 - 2026 sem fram fer á tímabilinu 1. mars til 15. apríl 2025 var sjálfstætt starfandi leikskólum heimilt að innrita samkvæmt þeim innritunarreglum sem í gildi hafa verið hjá þeim en þó með það að leiðarljósi sem áður og til samræmis við samninginn að innritað sé eftir kennitöluröð, elsta barnið fyrst, börn með lögheimili í Reykjavík.

Að innritun lokinni þann 15. apríl 2025 verði skipuð samstarfsnefnd af hálfu skóla- og frístundasviðs og Samtaka sjálfstæðra skóla sem hefur það verkefni að skilgreina hvaða málefnalegu sjónarmið, umfram þau sem nú þegar eru skilgreind í reglum um leikskólaþjónustu, geti orðið grunnur að heimild til frávika frá innritun eftir kennitöluröð í gr. 6.12 fyrirmyndar að samningi. Engu að síður gildir að Reykjavíkurborg er á grundvelli 26. gr. laga um leikskóla nr. 90/2008 heimilt að setja reglur um innritun í leikskóla í sveitarfélaginu. Gerður er fyrirvari um að það er skóla- og frístundaráð og borgarráð sem taka endanlega ákvörðun varðandi viðmið um frávík, reglur, samþykkt eða synjun beiðna um frávík frá innritun eftir kennitöluröð. Tillögur skóla- og frístundasviðs til skóla- og frístundaráðs liggja fyrir eigi síðar en 1. júní 2025.

Á grundvelli framangreinds hefur samstarfsnefnd fulltrúa skóla- og frístundasviðs og sjálfstætt starfandi leikskóla farið yfir óskir sjálfstætt starfandi leikskóla um frávík frá innritun eftir kennitöluröð og viðmið þar að lútandi.

Í tengslum við framangreint sendi skóla- og frístundasvið Samtökum sjálfstæðra skóla minnisblað, dags. 19. júní 2025, sem lýsir þeim sjónarmiðum sem skóla- og frístundasvið telur að horfa beri til auk þess sem samstarfsnefndin hefur átt fundi um málið.

Sjálfstætt starfandi leikskólar hafa fengið bréf dags. 16. janúar 2026 frá skóla- og frístundasviði þar sem upplýst var um ráðgerða meðferð beiðna þeirra og þeim gefinn kostur á að koma á framfæri sjónarmiðum sínum.

I

Lagaumgjörð vegna úthlutunar leikskólaplássna og ráðstöfun opinbers fjár

Í fyrirmynd þjónustusamnings við sjálfstætt starfandi leikskóla er sem áður kveðið afdráttarlaust á um að börn innritist á þá leikskóla sem foreldrar sækja um eftir kennitölu, þau elstu fyrst. Reglan er byggð á því sjónarmiði að eðlilegasta og óumdeildasta reglan við forgangs röðun barna að leikskólavist sé aldur barna. Frávík frá þeirri reglu verði því almennt að styðjast við önnur og ríkari sjónarmið.

Í gr. 6.12 fyrirmyndar að samningi kemur fram að ef til staðar eru málefnalegar ástæður er réttlæta að vikið sé frá ákvæði í gr. 6.3 um innritun eftir kennitölu, getur sjálfstætt starfandi leikskóli óskað eftir sérákvæði í samningi. Ákvæði þess efnis skal útfært eftir aðstæðum hverju sinni.

Í 1. gr. reglna um leikskólaþjónustu er fjallað um innritun í leikskóla og kemur þar meðal annars fram að börn innritast í leikskóla eftir kennitölu á þá leikskóla sem sótt er um, þau elstu fyrst



og á það við jafnt um almennar deildir, ungarnadeildir og ungarnaleikskóla. Þannig ganga börn sem innritast á ungarnadeildir ekki framur eldri börnum á almennum deildum, sjá þó undantekningu í gr. 4 um forgang. Það sama gildir um sjálfstætt starfandi leikskóla nema samið sé sérstaklega um annað við skóla- og frístundasvið.

Um málsmeðferð Reykjavíkurborgar gilda ákvæði stjórnsýslulaga nr. 37/1993 og meginreglur stjórnsýsluréttarins, þ. á m. um jafnræði og að ákvarðanir stjórnvalda skuli studdar málefnalegum sjónarmiðum. Um starfsemi Reykjavíkurborgar gilda jafnframt sveitarstjórnarlög nr. 138/2011, en samkvæmt 2. mgr. 7. gr. þeirra skulu sveitarfélög vinna að sameiginlegum velferðarmálum íbúa þeirra eftir því sem fært þyki á hverjum tíma. Í athugasemdum við ákvæðið í frumvarpi því er varð að sveitarstjórnarlögum kemur fram að því leyti sem sveitarfélögin hafi val um það hvernig lögin skuli útfærð og tiltekin verkefni framkvæmd beri þeim jafnframt að sjá til þess að slík framkvæmd sé í samræmi við grundvallarreglur um meðferð stjórnsýsluvalds, þar á meðal það sjónarmið að framkvæmdin stuðli að sameiginlegri velferð íbúanna á hverjum tíma.

Um leikskóla gilda lög nr. 90/2008 en í 1. mgr. 2. gr. laganna er kveðið á um þá meginreglu að í öllu starfi leikskóla skuli velferð og hagur barna hafður að leiðarljósi. Í 26. gr. laganna að sveitarstjórn sé heimilt að setja reglur um innritun í leikskóla í sveitarfélaginu, enda njóti viðkomandi leikskóli framlags úr sveitarsjóði. Þessar reglur séu annars vegar settar með tilliti til aðstæðna barna og foreldra og hins vegar með tilliti til aðstæðna í leikskólum sveitarfélagsins. Í athugasemdum við ákvæði 26. gr. í frumvarpi því er varð að lögum um leikskóla segir að með ákvæðinu sé ekki verið að draga úr skyldum sveitarfélaga til að bjóða börnum á leikskólaaldri leikskólanám, sbr. 4. gr., óski foreldrar þess. Einungis sé verið að heimila sveitarfélögum ákveðið svigrúm á þessu sviði ef nauðsynlegt reynist að forgangsraða umsóknum. Við túlkun á ákvæði 26. gr. laganna verður að hafa hliðsjón af meginreglu 1. mgr. 2. gr. þeirra og ljá hagsmunum barna meira vægi heldur en hagsmunum forsjáraðila.

Allar undanþágur frá meginreglunni um innritun barna í leikskóla sem reknir eru með framlögum úr sveitarsjóðum þurfa því að byggjast á hlutlægum og málefnalegum forsendum. Reglur af framangreindu tagi eru í gildi hjá Reykjavíkurborg, sbr. reglur Reykjavíkurborgar um leikskólalögnustu.

Í reglum um leikskólalögnustu er fjallað um innritun barna í leikskóla í grein 1.a. Í 8. málsgrein greinarinnar kemur fram sú meginregla við innritun barna í leikskóla Reykjavíkurborgar að börn skuli innritast í leikskóla eftir kennitölu, þ.e. þau elstu fyrst. Kemur þar einnig fram að sú regla gildi um sjálfstætt starfandi leikskóla nema um annað sé samið við skóla- og frístundasvið Reykjavíkurborgar. Þessa heimild ber að túlka í samræmi við áður nefnd ákvæði laga og þarf því meðal annars að gæta jafnræðisreglunnar og réttmætisreglunnar við beitingu hennar. Felur þetta ákvæði því ekki í sér óheft svigrúm til samningsgerðar um undantekningu frá þeirri meginreglu að innrita skuli börn í leikskóla eftir kennitöluröð, heldur ber við slíka samningsgerð að gæta jafnræðis og þess að hlutlæg og málefnaleg sjónarmið séu fyrir slíkum undantekningum.

Í athugasemdum með frumvarpi til leikskólalaga kemur fram að eitt meginatriði frumvarpsins sé að áhersla skuli vera lögð á velferð barna og að hagsmunir þeirra séu hafðir í fyrirrúmi.

Það á einnig við um hvernig börnum skuli forgangsraðað á biðlistum eftir leikskólavist. Þar skiptir mestu þörf barna fyrir leikskólavist miðað við aldur þeirra og þroska enda óumdeilt að mikilvægt er fyrir þroska barna að þau komist sem fyrst í leikskóla þar sem við tekur uppeldi, umönnun og menntun barna í samræmi við þroska þeirra hverju sinni.

Vísað er til þess að í umsögn þáverandi borgarlögmans, dags. 26. apríl 2010, um réttmæti systkinaforgangs var það samandregin niðurstaða þeirrar umsagnar að eðlilegasta og óumdeilanlegasta reglan við forgangsroðun barna í leikskóla væri aldur barna og að undantekningar frá þeirri reglu verði að styðjast við veigameiri sjónarmið, s.s. félagslegar aðstæður barna. Var það mat þáverandi borgarlögmans að hagsmunir foreldra, s.s. af því að



þurfa ekki að fara með börnin sín á fleiri en einn stað, væru ekki mikilvægari heldur en hagsmunir barna af því að komast á leikskóla. Á þeim tíma sem liðinn er frá framangreindri umsögn hafa ekki verið gerðar breytingar á lögum um leikskóla um þetta atriði og þau sjónarmið sem áður voru talin vega þyngst eru óbreytt.

Um forgang að plássi í leikskólum Reykjavíkurborgar og sjálfstætt starfandi leikskólum í Reykjavík gilda ákvæði 4. gr. reglna um leikskólaþjónustu. Er þar að finna reglur um forgang þeirra barna í leikskóla sem eru orðin fimm ára, eru fötluð, með skilgreind þroskafrávik, búa við erfiðleika í félagsumhverfi eða eru börn starfsfólks í ýmsum leikskólum Reykjavíkurborgar eða í sjálfstætt starfandi leikskólum í Reykjavík. Þessar forgangsreglur taka flestar mið af aðstæðum og þörfum barna en ekki foreldra og eru ákvarðanir um beitingu þeirra teknar í hverju tilviki fyrir sig. Þannig fer fram atviksbundið mat í hvert skipti sem veitt er slík undanþága.

Framangreindar forgangsreglur eru reistar á þeim sjónarmiðum að viðkomandi börn og/eða foreldrar séu í sérstaklega viðkvæmri félagslegri stöðu og að af þeirri ástæðu sé málefnalegt að veita þeim stuðning umfram aðra íbúa með þessum hætti. Þá byggir forgangur barna starfsfólks leikskóla á því að með slíku sé stuðlað að meiri mönnun leikskólanna sjálfra sem aftur leiði til þess að fleiri börn fái úthlutað leikskóladvöl.

Er það mat skóla- og frístundasviðs að þessar forgangsreglur byggist á sjónarmiðum sem bæði verði talin hlutlæg og málefnaleg.

II

Samantekt beiðna um sérákvæði

Skóla- og frístundasviði bárust beiðnir um frávik frá innritun eftir kennitöluröð á grundvelli neðangreindra forsendna en auk þess er veitt umsögn skóla- og frístundasviðs og sett fram tillaga um viðmið:

a) Innritun taki mið af aldursdreifingu, stuðningsþörfum, lengd dvalartíma, stærð kennslurýmis og samsetningu starfsmannahópsins/innritun inn á deildir, sbr. 12. gr. laga um leikskóla. Innritun eftir kennitölu gildir, elsta barnið fyrst.

Í 2. mgr. 12. gr. laga um leikskóla nr. 90/2008 kemur eftirfarandi fram:

Við ákvörðun fjölda barna í leikskóla skal m.a. tekið tillit til aldursdreifingar barna og stuðningsþarfa, lengdar dvalartíma þeirra, stærðar leik- og kennslurýmis og samsetningar starfsmannahóps.

Í 1. mgr. 6. gr. reglugerðar 655/2009 um starfsumhverfi leikskóla kemur eftirfarandi fram:

Leikskólastjóri, að höfðu samráði við sveitarstjórn eða nefnd sveitarfélags sem fer með málefni leikskóla í sveitarfélaginu, sbr. 2. mgr. 4. gr. laga nr. 90/2008 um leikskóla og starfsfólk leikskóla, tekur ákvörðun um fjölda barna í leikskóla hverju sinni. *Ákvörðun um fjölda barna og skipulag skólastarfs skal taka mið af samsetningu barnahópsins, dvalartíma barna dag hvern, aldri þeirra og þörfum, samsetningu starfsmannahóps og umfangi sérfræðiþjónustu.*

Fram hefur komið að leikskólarnir eru sumir með mjög litlar einingar og að hvorki deildirnar, húsnæðið né starfsfólk bjóði upp á að eingöngu sé horft á kennitölu barna. Ekki séu til staðar sem dæmi aðstæður til að taka inn fimm ára barn þegar eingöngu er laust á yngstu deild. Þá skipti höfuðmáli í rekstri leikskólanna að búa við stöðugleika í starfsmannahaldi og ekki sé hægt að treysta á það ef gerð væri afdráttarlaus krafa um að innritað sé eftir kennitölu en ekki sem dæmi eftir deildum eða stöðu almennt út frá þessum atriðum sem fram eru talin.

Þá hefur verið á það bent að hjá sjálfstætt starfandi leikskólunum sé ekki það sterka fjárhagslega bakland eins og hjá leikskólum Reykjavíkurborgar sem geri þeim kleift að gera breytingar, til dæmis á starfsmannahaldi, út frá börnum sem eru innrituð í leikskólann eftir kennitöluröð.



Í þessu sambandi er bent á að færri starfsfólk þarf vegna barna á eldri deildum heldur en yngri sem aftur getur leitt til óstöðugleika í starfsmannahaldi ef þarf að bæta við eða segja upp starfsfólki eftir aldursamsetningu barnahópsins hverju sinni. Upplýsingar um barngildisstuðul vegna leikskóla með [eldri börn má sjá hér](#)¹ og [vegna yngri barna hér](#)².

Til að mæta þessum vanda gildir nú vegna allra leikskóla í Reykjavík, eftirfarandi ákvæði í gr. 1. a í reglum um leikskólaþjónustu en sjálfstætt starfandi leikskólar telja það ekki duga til að mæta þörfum þeirra:

Losni leikskólalátt á tímabilinu frá 1. nóvember til 1. mars er heimilt, þrátt fyrir meginreglu 7. mgr. í grein 1a. um að kennitöluröð ráði innritun á leikskóla, að taka inn elsta barn á samsvarandi aldri við aldursbil barna á viðkomandi deild, að því tilskildu að eldri börn á biðlista viðkomandi leikskóla séu þegar með dagvistarúrræði í Reykjavík. Ef nýta á þessa heimild ber leikskólastjóra að sækja um leyfi til innritunar á skrifstofu skóla- og frístundasviðs. Það sama gildir um sjálfstætt rekna leikskóla sem þó þurfa ekki að sækja um leyfi til skrifstofu skóla- og frístundasviðs

Það er mat skóla- og frístundasviðs að réttmætt geti verið að fallast á að sjálfstætt starfandi leikskólar á grundvelli umsóknar njóti meira svigrúms en leikskólar Reykjavíkurborgar þegar kemur að innritun inn á deildir út frá samsetningu barnahópsins, dvalartíma barna dag hvern, aldri þeirra og þörfum, samsetningu starfsmannahóps og umfangi sérfræðipjónustu auk þess sem gerð húsnæðis getur haft áhrif. Ávallt verði þó að gæta að innritun eftir kennitöluröð inn á deildir. Gerð verði krafa um að þeir sem óska eftir heimild til frávika á þessum grundvelli veiti upplýsingar um fjölda barna á hverri deild og aldursviðmið deilda. Frávik miðast við þær upplýsingar.

Með vísan til framangreinds er lagt til að miðað verði við eftirfarandi:

Ef þau sjónarmið sem vikið er að hér að framan eiga við hjá sjálfstætt starfandi leikskóla er litið svo á að til staðar geti verið forsendur til að fallast á að heimilt sé ef þess gerist þörf að innrita börn inn á deildir eftir aldri, elsta barnið fyrst, til samræmis við aldursviðmið viðkomandi deilda. Gerð er krafa um að þeir sem óska eftir heimild til frávika á þessum grundvelli veiti upplýsingar um fjölda barna á hverri deild og aldursviðmið deilda. Frávik miðast við þær upplýsingar.

b) Innritun fimm ára barna í samrekna leik- og grunnskóla þar sem ekki er rekinn heildstæður leikskóli fari eftir aldri umsóknar.

Hvað varðar börn í fimm ára leikskóladeild sjálfstætt starfandi grunnskóla var í samningaviðræðum talið rétt að horfa til þess að börn verði innrituð eftir aldri umsóknar í fimm ára leikskóladeild grunnskóla og að horft sé til sömu sjónarmiða og vegna innritunar í grunnskólahlutann.

Rökin voru fyrst og fremst þau að ekki væri um ýkja mörg pláss að ræða og forsvaranlegt væri nú að fallast á að sömu reglur gildi við innritun í fimm ára deild og í viðkomandi grunnskóla. Ekki þótti rétt að setja þær skorður að eingöngu verði í deildinni börn fædd á fyrstu mánuðum ársins né að gerð yrði krafa um að notað yrði kerfið Vala leikskóli vegna innritunar.

Rétt þykir að á samningstímanum fari fram viðræður við sjálfstætt starfandi grunnskóla með fimm ára leikskóladeildir um að innritun í fimm ára deildir fari fram í gegnum Völu leikskóla og að sömu sjónarmið gildi og vegna innritunar í leikskóla, það er að innritað sé eftir aldri, elsta barnið fyrst. Hafa ber í huga að rekstur fimm ára deilda fellur undir lög um leikskóla.

¹ <https://reykjavik.is/sites/default/files/2025-10/rekstrar-og-husnaedisframlag-sjalfst.-starfandi-leikskolar-eldri-born-1.-juni-2025-28.10.2025-003.pdf>

² <https://reykjavik.is/sites/default/files/2025-10/rekstrar-og-husnaedisframlag-sjalfst.-starfandi-leikskolar-ungbarna-leikskoli-1.-juni-2025-28.10.2025-002.pdf>



Með vísan til framangreinds er lagt til að miðað verði við eftirfarandi:

Heimilt er að innrita börn í fimm ára leikskóladeild sjálfstætt starfandi grunnskóla eftir aldri umsóknar í fimm ára leikskóladeild grunnskóla og að horfa til sömu sjónarmiða og vegna innritunar í grunnskólahlutann. Á samningstímanum fari fram viðræður og frekara mat á því að fylgt verði kennitöluröð, elsta barnið fyrst.

c) Innritun eftir kynjum og jöfn kynjahlutföll hjá leikskólum sem fylgja hugmyndafræði Hjallastefnunnar.

Hjallastefnan var stofnuð árið 1989 í Hafnarfirði og hefur frá upphafi verið rekin á grunni kynjaskipts skólastarfs. Hjallastefnan rekur 17 leik- og grunnskóla víða um land sem allir eru reknir með sama formi. Laufásborg er frá 1. janúar 2026 í rekstri Hamingjuhallarinnar ehf. en er engu að síður rekin á sömu hugmyndafræði og áður.

Samkvæmt 1. mgr. 14. gr. laga um leikskóla nr. 90/2008 skal í hverjum leikskóla gefa út skólanámskrá og er leikskólastjóri ábyrgur fyrir gerð hennar. Skólanámskrá er nánari útfærsla á aðalnámskrá leikskóla og felur í sér uppeldis- og námsáætlun leikskóla þar sem markmið eru sett og skilgreindar leiðir að þeim markmiðum. *Skólanámskrá tekur mið af sérstöðu skóla og skólastefnu viðkomandi sveitarfélags.* Skólanámskrá skal endurskoða reglulega. Börnum skal veitt tækifæri til að taka þátt í gerð skólanámskrár.

Samandregið er markmiðið og rök fyrir því að heimila Hjallastefnunni ehf. að innrita eftir kynjum en þó kennitöluröð byggð á því að leikskólinn hefur í skólanámskrá, sbr. 14. gr. laga nr. 90/2008, sett markmið og skilgreint leiðir sem leiða til þess að réttmætt er að víkja við innritun frá meginreglunni um innritun eftir kennitölu með þeim hætti sem gert er í þágu leiða og markmiða leikskólans. Með þessu móti eykst jafnframt fjölbreytileiki leikskólans og foreldrar eiga val um velja leikskóla út frá stefnu þeirra.

Í 65. gr. stjórnarskrár kemur fram að allir skuli vera jafnir fyrir lögum og njóta mannréttinda án tillits til meðal annars kynferðis og skulu konur og karlar njóta jafns réttar í hvívetna. Þá er í 11. gr. stjórnsýslulaga nr. 37/1993 tekið fram að óheimilt sé að mismuna aðilum við úrlausn mála á grundvelli sjónarmiða byggðum meðal annars á kynferði þeirra.

Hafa ber í huga hér að forgangsreglur sem grundvallast á sjónarmiðum á borð við kyn teljast almennt ómálefnalegar og fela í sér brot á jafnræðisreglu. Aðstöðumunur sem byggir á slíku sjónarmiði verður að eiga sér skýra og ótvíræða stoð í lögum. Það þarf því að skoða hvort þær hlutlægu og málefnalegu ástæður sem réttlæta slíkt frávik frá jafnræði séu einhvers konar krafa um jafnrétti, þ.e.a.s. að hlutverk reglnanna sé að tryggja jafnrétti en sé ekki ætlað að brjóta á réttindum annarra eða fela í sér mismunun af nokkru tagi.

Þar sem Reykjavíkurborg hefur um langt skeið verið kunnugt um að á leikskólum Hjallastefnunnar sé innritað eftir kyni þótti rétt að koma á framfæri ábendingu um að þessi framkvæmd fari mögulega á skjön við jafnræðisreglu stjórnsýslulaga nr. 37/1993. Var Hjallastefnunni gefinn kostur á að bregðast við þessari ábendingu og koma á framfæri rökstuddri afstöðu til hennar.

Sjónarmið Hjallastefnunnar

Með tölvubréfi Hjallastefnunnar ehf. dags. 3. desember sl. upplýsti Hjallastefnan um að innritun væri að meginstefnu byggð á innritun eftir kennitölu en þó með þeirri undantekningu, ef þörf er á, að kynjahlutföllin verði jöfn. Þannig sé ekki um að ræða aðferð sem miðar að því að gera öðru kyninu hærra undir höfði en hinu heldur ná fram jöfnuði. Þá geti hending ráðið – frá ári til árs – hvort kynið njóti góðs af reglunni eða jafnvel hvort innritun eftir kennitölum skilar jöfnum hlutföllum. Ef hins vegar væri innritað eingöngu eftir fæðingardegi þá kunni hæglega að koma upp sú staða að verulega halli á annað kynið við innritun.

Þessu til viðbótar telur Hjallastefnan að jafnvel þótt halda megi því fram að framangreind aðferð leiði til þess í einhverjum tilvikum að einstaklingur af öðru kyninu – þó óvisst sé hvoru - sé látinn



njóta forgangs til að ná fram kynjajöfnuði, þá byggji aðferðin á málefnalegum og samfélagslegum markmiðum og vinni að þeim markmiðum sem jafnréttislög stefni að, sbr. umfjöllun um hugmyndafræði skólans. Markmið úrræðisins er að stuðla að efnislegu jafnrétti í samfélaginu þótt í einstaka tilviki mætti mögulega halda því fram að vikið hefði verið frá formlegu jafnrétti. Byggt á reynslu, þá er það mat skólans að til þess að ná markmiðinu þá séu jöfn kynjahlutföll í nemendahópi lykilforsenda.

Frekari sjónarmið eru reifuð í bréfi Hjallastefnunnar sem ekki verða rakin hér.

Umsögn skóla- og frístundasviðs

Hafa ber í huga hér að forgangsreglur sem grundvallast á sjónarmiðum á borð við kyn teljast almennt ómálefnalegar og fela í sér brot á jafnræðisreglu. Aðstöðumunur sem byggir á slíku sjónarmiði verður að eiga sér skýra og ótvíræða stoð í lögum. Það þarf því að skoða hvort þær hlutlægu og málefnalegu ástæður sem réttlæta slíkt frávik frá jafnræði séu einhvers konar krafa um jafnrétti, þ.e.a.s. að hlutverk reglnanna sé að tryggja jafnrétti en sé ekki ætlað að brjóta á réttindum annarra eða fela í sér mismunun af nokkru tagi.

Forgangsreglur sem byggja á sértækum aðgerðum, eins og hugtakið er skilgreint í 8. tl. 2. gr. laga nr. 150/2020 um jafna stöðu og jafnan rétt kynja (jafnréttislaga), ganga ekki gegn jafnréttislögum, eins og sérstaklega er tekið fram í 2. mgr. 16. gr. laganna. Það getur því samkvæmt framangreindu verið réttlætanlegt tímabundið að beita sértækum aðgerðum sem víkja frá jafnræðisreglunni til að ná fram jöfnuði, svo sem jöfnum hlutföllum.

Samkvæmt skilgreiningunni í 8. tl. 2. gr. jafnréttislaga er ljóst að til þess að sértæk aðgerð teljist heimil þarf hún að uppfylla tvö skilyrði. Fyrra skilyrðið er tímaskilyrði sem felur í sér að aðgerðin verður að vera *tímabundin*. Ótímabundnar eða varanlegar aðgerðir falla því ekki undir skilgreiningu laganna á sértækum aðgerðum. Seinna skilyrðið er sú krafa að aðgerð verði að miða að því að bæta stöðu eða auka möguleika annars kynsins í því skyni að jafna stöðu kynjanna á því sviði sem á annað kynið hallar.

Til þess er þó að líta að þrátt fyrir að sértækar aðgerðir séu ótímabundnar geta þær átt rétt á sér ef tilteknar réttlætningarástæður eru fyrir hendi, svo sem fyrirsjáanlegt er að undirliggjandi ójafnræði muni eiga sér stað um ókomna tíð ef beitingu aðgerðar verður hætt.

Eftir sem áður er gert að skilyrði í jafnréttislögunum að um sé að ræða tímabundna aðgerð og er ekki annað stætt en að hlíta því. Í skýringum Hjallastefnunnar er vísað til þess að það geti verið hendingu ráðið – frá ári til árs – hvort kynið nýtur góðs af reglunni eða jafnvel hvort innritun eftir kennitölum skili jöfnum hlutföllum. Þó er tekið fram að Hjallastefnan ehf. hafi beitt þessari innritunaraðferð um langt skeið og hana einungis beitt ef upp kemur kynjahalli.

Það má því halda því fram að um tímabundnar aðgerðir sé að ræða hverju sinni miðað við þessar skýringar enda þetta þannig sett upp af Hjallastefnunni að það geti þurft tímabundið að veita öðru kyninu forgang til að ná jafnvægi.

Út frá framangreindu er það mat skóla- og frístundasviðs að það geti verið málefnalegt að innritað verði eftir kennitölu með þeim hætti að horft sé til kynjaskiptingar í undantekningartilvikum. Engu að síður er Hjallastefnunni ehf. bent á að ef einhver önnur og vægari úrræði en innritun eftir kynjum geti komið til greina, þá beri að beita þeim í samræmi við meðalhófsregluna.

Með vísan til framangreinds er lagt til að miðað verði við eftirfarandi:

Heimilað er frávik frá innritun eftir kennitölu, elsta barnið fyrst, með þeim hætti að horft sé til kynjaskiptingar í undantekningartilvikum þegar á reynir í leikskólum sem fylgja hugmyndafræði Hjallastefnunnar.

d) Nemendur Háskóla Íslands sem búsettir á höfuðborgarsvæðinu og í sveitarfélögum hvaðanæva að um landið fái eingöngu aðgang.



Ekki hefur verið gerð athugasemd við að Félagsstofnun stúdenta tileinki leikskólann Sólgarð börnum foreldra í námi. Engu að síður gildir sú regla að börn skulu raðast á biðlista eftir kennitöluröð. Framlag Reykjavíkurborgar nær eingöngu til barna með lögheimili í Reykjavík.

Helstu rök fyrir því að ekki hafi þótt tilefni til að gera athugasemd við þessa framkvæmd eru byggð á því sjónarmiði að með þessu móti sé verið að auka tækifæri barnafólks til að stunda nám. Litið hefur verið svo á að um sé að ræða hóp sem getur verið í viðkvæmri stöðu út frá möguleikum til að stunda nám.

Þá má horfa til þess að með þessu móti er að einhverju leyti verið að jafna stöðu námsmanna með börn á framfæri gagnvart þeim sem eru barnlausir en ljóst má vera að það hefur veruleg áhrif á nám og námsframvindu að börn námsmanna fái leikskóla. Engu að síður hefur ekki þótt ástæða til að setja almenna forgangsreglu þessa hóps í reglur um leikskólaþjónustu.

Þá er á það bent að í reglum um leikskólaþjónustu er kveðið á um að fjölskyldur sem eiga lögheimili annars staðar á Íslandi en dvelja tímabundið í Reykjavík við nám geti sótt um leikskólaláss í Reykjavík gegn því að viðkomandi sveitarfélag greiði kostnaðinn.

Ekki liggja fyrir úttektir eða rannsóknir á högum þessa hóps út frá leikskólavist, eftir því sem best er vitað, og er því byggt á almennum sjónarmiðum. Engu að síður er bent á að í greinargerð í tengslum við setningu laga um menntasjóð námsmanna nr. 60/2020 sé að því víkið að markmið með styrkjum til lánþega með börn er að jafna stöðu lánþega með börn á framfæri og þeirra sem eru barnlausir.

Samandregið er markmiðið og rökin fyrir því að heimila Félagsstofnun stúdenta að reka leikskóla fyrir námsmenn í grunninn það að leita leiða til að auka möguleika foreldra til að stunda nám, stuðla að sem flestum vel menntuðum einstaklingum til samfélagsins og styrkja þannig faglega þróun fólks á vinnumarkaði.

Engu að síður ber að hafa í huga að samkvæmt 65. gr. stjórnarskrár skulu allir vera jafnir fyrir lögum. Þá er í 11. gr. stjórnarsýslulaga nr. tekið fram að óheimilt er að mismuna aðilum við úrlausn mála á grundvelli sjónarmiða byggðum meðal annars á þjóðfélagstöðu þeirra.

Þar sem Reykjavíkurborg hefur um langt skeið verið kunnugt um að á einum leikskóla Félagsstofnunar stúdenta séu eingöngu börn námsmanna þótti rétt að koma á framfæri ábendingu um að þessi framkvæmd fari mögulega á skjön við jafnræðisreglu stjórnarsýslulaga nr. 37/1993. Var Félagsstofnun stúdenta gefinn kostur á að bregðast við þessari ábendingu og koma á framfæri rökstuddri afstöðu til hennar.

Sjónarmið Félagsstofnunar stúdenta

Með bréfi Félagsstofnunar stúdenta er því komið á framfæri við skóla- og frístundasvið að nemendur Háskóla Íslands séu búsettir á höfuðborgarsvæðinu og í sveitarfélögum hvaðanæva að um landið. Ekki væri farið fram á að víkja frá kennitöluröð en óskað sé eftir að Sólgarði verði heimilt að taka inn eftir kennitöluröð burtséð frá lögheimili barns til að hægt sé á sem bestan hátt að þjóna nemendum við HÍ en í Sólgarði eru eingöngu börn nemenda í Háskóla Íslands.

Fram kemur hjá Félagsstofnun stúdenta að í rúm 20 ár hafi Sólgarður þjónað nemendum við Háskóla Íslands sem búa flestir í Reykjavík en aðrir á höfuðborgarsvæðinu eða á landsbyggðinni. Í mörgum tilvikum séu það nemendur sem eru á leið á studentagarðana en hafa ekki fengið úthlutað og geta því ekki fært lögheimili sitt til Reykjavíkur. Aðrir búa í nærsveitarfélögum og sækja nám í Háskóla Íslands. Fram kemur að sérstaða Sólgarðs felist í því að geta tekið við nemendum hvaðanæva að af landinu en flestir enda með að færa lögheimili sitt til Reykjavíkur. Jafnframt áréttar Félagsstofnun stúdenta að helstu rök fyrir því að ekki hafi þótt tilefni til að gera athugasemd við þessa framkvæmd séu byggð á því sjónarmiði að með þessu móti sé verið að auka tækifæri barnafólks til að stunda nám. Litið hefur verið svo á að um sé að ræða hóp sem getur verið í viðkvæmri stöðu út frá möguleikum til að stunda nám.



Umsögn skóla- og frístundasviðs

Hafa ber í huga hér að forgangsreglur sem grundvallast á sjónarmiðum á borð við þjóðfélagslega stöðu teljast almennt ómálefnalegar og fela í sér brot á jafnræðisreglu. Aðstöðumunur sem byggir á slíku sjónarmiði verður að eiga sér skýra og ótvíræða stoð í lögum. Það þarf því að skoða hvort þær hlutlægu og málefnalegu ástæður sem réttlæta slíkt frávik frá jafnræði séu einhvers konar krafa um jafnrétti, þ.e.a.s. að hlutverk reglnanna sé að tryggja jafnrétti en sé ekki ætlað að brjóta á réttindum annarra eða fela í sér mismunun af nokkru tagi.

Samandregið er markmiðið og rökin fyrir því að heimila Félagsstofnun stúdenta að reka leikskóla fyrir námsmenn í grunninn það að leita leiða til að auka möguleika foreldra til að stunda nám og stuðla að sem flestum vel menntuðum einstaklingum til samfélagsins og styrkja þannig faglega þróun fólks á vinnumarkaði og er það mat skóla- og frístundasviðs að það geti verið málefnalegt að í Sólgarði geti verið eingöngu börn námsmanna í Háskóla Íslands. Tekið er fram að framlag Reykjavíkurborgar til leikskólans sé samt sem áður bundið við börn með lögheimili í Reykjavík.

Með vísan til framangreinds er lagt til að miðað verði við eftirfarandi:

Heimilað er að í Sólgarði verði eingöngu börn námsmanna Háskóla Íslands en áfram innrituð eftir kennitöluröð, elsta barnið fyrst, burtséð frá lögheimili barns.

e) Forgangur yngri systkina.

Vísað er til umfjöllunar undir lið I hér að framan varðandi sjónarmið sem líta verður til hvað varðar frávik frá innritun eftir kennitöluröð, elsta barnið fyrst.

Í 12. mgr. gr. 1.a í reglum um leikskólaþjónustu kemur fram að börn sem eiga systkini í umsóknarleikskóla njóta systkinatillits í viðkomandi leikskóla svo framarlega sem þeim börnum sem eru fyrir framan þau á biðlista þjóðist rými í öðrum þeim leikskólum sem forsjármenn setja til vara. Það er skilyrði að eldra barnið eigi eftir a.m.k. sex mánuði af leikskólagöngu sinni þegar yngra barnið byrjar í leikskólanum. Það sama gildir fyrir sjálfstætt starfandi leikskóla.

Skilyrðislaus forgangur systkina hefur verið talinn ganga í berhogg við jafnræðisreglu stjórnsýslulaga, sbr. álit borgarlögmans frá 26. apríl 2010 um réttmæti systkinaforgangs í leikskólum. Ekki verður séð að neinar breytingar hafi verið gerðar á því regluverki er gildir um innritun í leikskóla sem haggar þeirri niðurstöðu. Til þess að heimila slíkt frávik í reglum eða eftir atvikum samningum við sjálfstætt starfandi leikskóla þarf fullnægjandi lagagrundvöll svo enginn vafi yrði á lögmæti slíkrar reglu, enda verður að líta svo á að viðhlítandi stoð í lögum um leikskóla skorti fyrir slíkri forgangareglu.

Skóla- og frístundasvið telur vandséð að unnt sé að heimila sjálfstætt starfandi leikskóla rýmri möguleika á innritun systkina en gert er í leikskólum Reykjavíkurborgar. Þetta er að því gefnu að ekki verði gerð breyting á lögum um leikskóla sem heimila almennt innritun systkina umfram önnur börn en fram að þessu hefur það verið niðurstaðan að aldur barna gangi framar sjónarmiðum er snúa að því að systkin fái pláss á sama leikskóla.

Með vísan til framangreinds er lagt til að miðað verði við eftirfarandi:

Beiðnum um forgang systkina verði synjað. Komi til laga- eða reglubreytinga sem gefa tilefni til endurskoðunar verði niðurstaðan endurskoðuð. Sem áður gildir regla um systkinatillit.

f) Viðtal sem leiðir í ljós sameiginlegan skilning á uppeldisstefnu og áherslum í barnastarfi, fyrsta val foreldra á uppeldisstefnu

Með vísan til almennrar umfjöllunar hér að framan undir kafla I í greinargerð þessari er gerð krafa um að allar undanþágur frá meginreglunni um innritun barna í leikskóla sem reknir eru



með framlögum úr sveitarsjóðum þurfi að byggjast á hlutlægum og málefnalegum forsendum. Við mat á því hvað teljist hlutlægt og málefnalegt í því sambandi má líta til inntaks þeirra forgangsreglna sem má finna í gildandi reglum Reykjavíkurborgar um leikskólaþjónustu, t.d. sjónarmiða sem snúa sérstaklega að viðkvæmri stöðu barna og/eða foreldra og forgang tiltekinna barna í því skyni að stuðla að fleiri leikskólaplássum.

Ekki verður talið að uppfyllt séu skilyrði til frávika á grundvelli umbeðinnar forsendu.

Með vísan til framangreinds er lagt til að miðað verði við eftirfarandi:

Beiðnum um viðtal og fyrsta val foreldra á uppeldisstefnu sem viðmið vegna innritunar í leikskóla verði synjað.

g) Forgangur foreldra í viðkomandi hverfi.

Reglur um leikskólaþjónustu gera ekki ráð fyrir að hverfi eða fjarlægð hafi áhrif á innritun í leikskóla og er það mat skóla- og frístundasviðs að ef ekki verði gerðar almennar breytingar á reglum sem ná til staðsetningar sé ekki rétt að fallast á frávik þegar kemur að búsetu.

Með vísan til almennrar umfjöllunar hér að framan undir kafla I í greinargerð þessari er gerð krafa um að allar undanþágur frá meginreglunni um innritun barna í leikskóla sem reknir eru með framlögum úr sveitarsjóðum þurfi að byggjast á hlutlægum og málefnalegum forsendum. Við mat á því hvað teljist hlutlægt og málefnalegt í því sambandi má líta til inntaks þeirra forgangsreglna sem má finna í gildandi reglum Reykjavíkurborgar um leikskólaþjónustu, t.d. sjónarmiða sem snúa sérstaklega að viðkvæmri stöðu barna og/eða foreldra og forgang tiltekinna barna í því skyni að stuðla að fleiri leikskólaplássum.

Með vísan til framangreinds er lagt til að miðað verði við eftirfarandi:

Beiðnum um forgang foreldra í viðkomandi hverfi vegna innritunar í leikskóla verði synjað.

h) Forgangur einstæðra foreldra í hverfi viðkomandi leikskóla.

Það er mat skóla- og frístundasviðs að ef ekki verði gerðar almennar breytingar á reglum um leikskólaþjónustu sem ná til hjúskaparstöðu sé ekki rétt að fallast á frávik frá innritun eftir kennitöluröðun á grundvelli hjúskaparstöðu.

Með vísan til almennrar umfjöllunar hér að framan undir kafla I í greinargerð þessari er gerð krafa um að allar undanþágur frá meginreglunni um innritun barna í leikskóla sem reknir eru með framlögum úr sveitarsjóðum þurfi að byggjast á hlutlægum og málefnalegum forsendum. Við mat á því hvað teljist hlutlægt og málefnalegt í því sambandi má líta til inntaks þeirra forgangsreglna sem má finna í gildandi reglum Reykjavíkurborgar um leikskólaþjónustu, t.d. sjónarmiða sem snúa sérstaklega að viðkvæmri stöðu barna og/eða foreldra og forgang tiltekinna barna í því skyni að stuðla að fleiri leikskólaplássum.

Með vísan til framangreinds er lagt til að miðað verði við eftirfarandi:

Beiðnum um forgang einstæðra foreldra í viðkomandi hverfi vegna innritunar í leikskóla verði synjað.

i) Aldur umsóknar á ungbarnaleikskólum

Ungbarnaleikskólar eru með þjónustusamninga sem ná til barna á aldrinum 12 mánaða til 36 mánaða. Elsta barn á biðlista kann því að vera að nálgast þann aldur að leikskólinn henti ekki barninu þegar það fær þar pláss.

Ungbarnaleikskólar sem reknir eru af Reykjavíkurborg standa frammi fyrir sömu áskorunum og ungbarnaleikskólar sjálfstætt starfandi leikskóla.

Í 10. og 11. mgr. gr. 1.a í reglum um leikskólaþjónustu kemur eftirfarandi fram:





Þá starfrækir Reykjavíkurborg ungbarnaleikskóla fyrir börn á aldrinum 12 mánaða til 3ja ára. Börn geta byrjað í þessum leikskólum allt frá 12-24 mánaða aldri og er miðað við að þau fari í annan leikskóla árið sem þau verða þriggja ára. Ef foreldrar fá ekki úthlutað plássi fyrir barn sitt áður en það nær 24 mánaða aldri færast umsókn í annan leikskóla sem foreldrar hafa valið. Börn innritast í ungbarnaleikskóla eftir kennitölu, þau elstu fyrst, enda uppfylli þau aldursviðmiðið 12 – 24 mánaða. Í upphafi þess árs sem börn í ungbarnaleikskólum verða þriggja ára er foreldrum þeirra skylt að sækja um flutning í aðra leikskóla fyrir komandi skólaár og fá foreldrar bréf með áminningu þess efnis. Flutningsumsóknir vegna þessara barna eru afgreiddar í almennri innritun leikskóla sem fer fram árlega á vorönn. Ef flutningur í annan leikskóla fyrir eldri börn nær ekki fram að ganga er boðin áframhaldandi dvöl á meðan beðið er eftir plássi.

Frá þessu er gerð sú undanþága að losni leikskólaláss á tímabilinu frá 1. nóvember til 1. mars er heimilt, þrátt fyrir meginreglu 7. mgr. í grein 1a. um að kennitöluröð ráði innritun á leikskóla, að taka inn elsta barn á samsvarandi aldri við aldursbil barna á viðkomandi deild, að því tilskildu að eldri börn á biðlista viðkomandi leikskóla séu þegar með dagvistarúrræði í Reykjavík. Ef nýta á þessa heimild ber leikskólastjóra að sækja um leyfi til innritunar á skrifstofu skóla- og frístundasviðs. Það sama gildir um sjálfstætt rekna leikskóla sem þó þurfa ekki að sækja um leyfi til skrifstofu skóla- og frístundasviðs.

Með vísan til framangreinds er lagt til að miðað verði við eftirfarandi:

Beiðni um að innritað verði eftir aldri umsóknar í ungbarnaleikskóla þeim sem í hlut á verði synjað en á samningstímanum fari fram viðræður um hvernig megi mæta betur áskorunum er fylgja ungbarnaleikskólum.

J) Innritun eftir lífsskoðun

Einn leikskóli (Vinagarður leikskóli KFUM og K) hefur komið því á framfæri að leikskólinn sé eini leikskólinn í landinu þar sem ein af stoðum í hugmyndafræði skólans séu gildi kristinnar trúar. Foreldrar sem vilji hafa slíka stefnu séu ekki stór hópur en leiti í leikskólann til þess að geta gefið börnum sínum umhverfi sem styður við þeirra lífsskoðanir. Verið sé að tala um að hámarki 3-4 börn á ári en að meðaltali taki leikskólinn inn 20-25 ný börn árlega í 80 barna skólann.

Vinagarður bendir á að ein af undanþágum frá innritunarreglum fyrir sjálfstætt starfandi leikskóla væri til Hjallastefnunnar sem fengi að líta til kyns barna sem eru innrituð út frá hugmyndafræði og uppeldisstefnu sem Hjallastefnan velur að vinna eftir. Spurt er hver sé munurinn á þeirri undantekningu og Vinagarðs um kristna hugmyndafræði. Í báðum tilvikum væri um að ræða val rekstraraðila á uppeldisstefnu og telji leikskólinn ekki jafnræði ef undanþága er veitt vegna einnar uppeldisstefnu en ekki annarrar.

Með tölvubréfi Vinagarðs, dags. 27. janúar sl., var skóla- og frístundasviði sent bréf sem leikskólinn hafði sent samstarfsnefndinni [væntanlega fulltrúa Samtökum sjálfstæðra skóla, innskot skóla- og frístundasviðs]. Þar kemur fram að sérákvæði sem Vinagarður telur að ætti að koma til skoðunar auk systkinafargangs og hverfisfargangs sé að börn félagsmanna KFUM og KFUK sem hafa náð 18 mánaða aldri skuli njóta fargangs við innritun í leikskólann að uppfylltum ákveðnum skilyrðum þar um.

Eftirfarandi er umsögn skóla- og frístundasviðs:

Samkvæmt 1. mgr. 14. gr. laga um leikskóla nr. 90/2008 skal í hverjum leikskóla gefa út skólanámskrá og er leikskólastjóri ábyrgur fyrir gerð hennar. Skólanámskrá er nánari útfærsla á aðalnámskrá leikskóla og felur í sér uppeldis- og námsáætlun leikskóla þar sem markmið eru sett og skilgreindar leiðir að þeim markmiðum. Skólanámskrá tekur mið af sérstöðu skóla



og skólustefnu viðkomandi sveitarfélags. Skólanámskrá skal endurskoða reglulega. Börnum skal veitt tækifæri til að taka þátt í gerð skólanámskrár.

Í 65. gr. stjórnarskrár kemur fram að allir skulu vera jafnir fyrir lögum og njóta mannréttinda án tillits til meðal annars *trúarbragða*, skoðana, þjóðernisuppruna, kynþáttar, litarháttar, efnahags, ætternis og stöðu að öðru leyti.

Þá er í 11. gr. stjórnsýslulaga nr. 37/1993 tekið fram að óheimilt er að mismuna aðilum við úrlausn mála á grundvelli sjónarmiða, byggðum á kynferði þeirra, kynþætti, litarhætti, þjóðerni, *trúarbrögðum*, stjórnámálaskoðunum, þjóðfélagsstöðu, ætterni eða öðrum sambærilegum ástæðum.

Hafa ber í huga að forgangsreglur sem grundvallast á sjónarmiðum á borð við trúarbrögð teljast almennt ómálefnalegar og fela í sér brot á jafnræðisreglu. Aðstöðumunur sem byggir á slíku sjónarmiði verður að eiga sér skýra og ótvíræða stoð í lögum. Það þarf því að skoða hvort þær hlutlægu og málefnalegu ástæður sem réttlæta slíkt frávik frá jafnræði séu einhvers konar krafa um jafnrétti, þ.e.a.s. að hlutverk reglnanna sé að tryggja jafnrétti en sé ekki ætlað að brjóta á réttindum annarra eða fela í sér mismunun af nokkru tagi.

Hvað varðar samanburð við Hjallastefnuna þá er þar um það að ræða að innritun er byggð á kennitölu, elsta barnið fyrst, en þó með þeirri undantekningu að kynjahlutföll verði jöfn en það fer eftir atvikum hvort reynir í reynd á regluna. Er það mat skóla- og frístundasviðs að aðstæður séu með ólíkum hætti.

Vinagarði leikskóla KFUM og K var gefinn kostur á að koma á framfæri sjónarmiðum sínum hvað varðar framangreint. Vinagarður leikskóli KFUM og K kom því á framfæri að gerð væri athugasemd við nálgun skóla- og frístundasviðs þar sem heimila á forgang á grundvelli kyns en ekki á grundvelli uppeldisstefnu/trúar og kemur meðal annars fram að þau geti ekki séð að önnur sjónarmið eigi við og telur að hér sé verið að mismuna leikskólum.

Með vísan til framangreinds er lagt til að miðað verði við eftirfarandi:

Beiðni um að börn félagsmanna KFUM og KFUK sem hafa náð 18 mánaða aldri skuli njóta forgangs við innritun í leikskólann verði synjað.

III

Nánari upplýsingar um beiðnir um sérákvæði og tillögur að afgreiðslu

Eftirfarandi eru upplýsingar um beiðnir um undanþágu á grundvelli gr. 6.12 fyrirmyndar samnings og tillaga að afgreiðslu:

a) Hjallastefnan ehf. og Hamingjuhöllin ehf:

Hjallastefnan óskaði eftir að neðangreint gildi vegna innritunar í leikskólann Öskju og Laufásborg:

a. Innritunarreglur leikskólans eru með vísun í uppeldisstefnu Hjallastefnunnar og lög um leikskóla, ásamt því að stuðla að auknum lífsgæðum fyrir barnafjölskyldur með því að draga úr álagi.

i. Fyrsta val foreldra á uppeldisstefnu

ii. Viðtal sem leiðir í ljós sameiginlegan skilning á uppeldisstefnu og áherslum í barnastarfi.

iii. Jöfn kynjahlutföll



iv. Innritun systkina

v. Innritun tekur mið af lögum um leikskóla gr. 12.

- Aldursdreifing
- Stuðningsþarfir
- Lengd dvalartíma
- Stærðar kennslurýmis
- Samsetningu starfsmannahóps

Tillaga um afgreiðslu:

Með vísan til tillagna og rökstuðnings um viðmið hér að framan er lagt til að beiðni um frávík vegna eftirtalinna atriða verði samþykkt:

Innritun taki mið af aldursdreifingu, stuðningsþörfum, lengd dvalartíma, stærð kennslurýmis og samsetningu starfsmannahópsins/innritun inn á deildir, sbr. 12. gr. laga um leikskóla. Innritun eftir kennitölu gildir, elsta barnið fyrst. Gerð er krafa um að veittarverði upplýsingar um fjölda barna á hverri deild og aldursviðmið deilda. Frávík miðast við þær upplýsingar.

Hjallastefnunni ehf verði heimilt að innritað verði eftir kennitölu með þeim hætti að horft sé til kynjaskiptingar í undantekningatilvikum þegar á reynir.

Með vísan til tillagna og rökstuðnings um viðmið hér að framan er lagt til að beiðni um frávík vegna forgangs systkina og viðtals sem leiði í ljós sameiginlegan skilning ofl. verði synjað.

Samkvæmt gr. 6.7 fyrirmyndar að samningi er leikskólanum heimilt að taka inn börn með lögheimili í Reykjavík ef þau hafa hann sem sitt fyrsta val. Ekki er því gerð athugasemd við þá nálgun leikskólans.

Þar sem Laufásborg var til 31. desember 2025 rekin á grundvelli rekstrarleyfis Hjallastefnunnar ehf og á grundvelli þjónustusamnings við það hlutafélag var beiðni lögð fram vegna Laufásborgar af hálfu Hjallastefnunnar. Hamingjuhöllin hefur staðfest að sömu sjónarmið eigi við um rekstur Hamingjuhallarinnar ehf vegna Laufásborgar.

b) Skóli Ísaks Jónssonar

Skóli Ísaks Jónssonar hefur óskað eftir að innritun barna í 5 ára deild Ísaksskóla fari eftir aldri umsóknar, elsta umsókn tekin inn fyrst og síðan koll af kolli. Fram kemur að öll börnin séu að koma af öðrum leikskólum og losni því pláss á þeim skólum sem börnin sem fá skólavist í Ísaksskóla hafa verið á áður fyrir börn af biðlista borgarinnar. Í tilfelli umsókna í Ísaksskóla er því verið að óska eftir flutningi en ekki fyrstu innritun í leikskóla eins og við á í leikskólum ætluðum börnum frá allt að 6 mánaða.

Með vísan til tillögu og rökstuðnings um viðmið hér að framan er lagt til að beiðni um að innritað verði eftir aldri umsóknar verði samþykkt. Á samningstímanum fari fram viðræður og frekara mat á því hvort fylgt verði kennitöluröð, elsta barnið fyrst.

Landakotsskóli

Skóli Ísaks Jónssonar hefur óskað eftir að ef systkini er í skólanum fyrir þá hafi umsókn frá systkyni forgang og að hafi barnið heimilisfang/búi í hverfinu fá í það forgang.

Með vísan til tillögu og rökstuðnings um viðmið hér að framan er lagt til að beiðninni verði synjað.

c) Félagsstofnun stúdenta vegna Sólgarðs



Félagsstofnun stúdenta hefur komið því á framfæri að nemendur Háskóla Íslands séu búsettir á höfuðborgarsvæðinu og í sveitarfélögum hvaðanæva að um landið. Ekki er farið fram á að víkja frá kennitöluröð en óskað eftir að Sólgarði verði heimilt að taka inn eftir kennitöluröð burtséð frá lögheimili barns til að hægt sé á sem bestan hátt að þjóna nemendum við HÍ en í Sólgarði eru eingöngu börn nemenda í Háskóla Íslands.

Með vísan til tillögu og rökstuðnings um viðmið hér að framan er lagt til að fallist verði á beiðni um að í Sólgarði verði eingöngu börn námsmanna Háskóla Íslands en áfram innritað eftir kennitöluröð, elsta barnið fyrst, burtséð frá lögheimili barns. Framlag er sem áður bundið við börn með lögheimili í Reykjavík.

d) Skólar ehf. vegna Ársólar

Ársól hefur komið því á framfæri að áfram verði innrituð eingöngu börn með lögheimili og fasta búsetu í Reykjavík. Gerð sé krafa um að sérhæfðar innritunarreglur leikskólans fái að standa, þ.e. að börn séu sett í forgang inn í leikskólann út frá hvenær umsókn barst og því næst í aldursröð. Fram kemur hjá Skólum ehf. að SFS og skólinn hafi verið sammála um að þessar reglur væru nauðsynlegar vegna sérstöðu leikskólans sem ungbarnaleikskóla. Ef farið væri eftir hreinni kennitöluröð sé hætt við að eingöngu börn sem fædd eru frá janúar-mars fái boð um dvöl eða að börnin eigi sér skamma dvöl á leikskólanum.

Ekki liggja fyrir upplýsingar um það sem fram kemur um að SFS og Skólar ehf. hafi orðið sammála um að innritun eftir aldri umsóknar væri nauðsynleg leikskólanum vegna sérstöðu hans sem ungbarnaleikskóla. Framangreint er ekki í samræmi við reglur um leikskólaþjónustu er gerð krafa um að þeim reglum verði fylgt.

Með vísan til tillögu og rökstuðnings um viðmið hér að framan er lagt til beiðni um að innritað verði eftir aldri umsóknar í ungbarnaleikskóla verði synjað en á samningstímanum fari fram viðræður um hvernig megi mæta betur áskorunum er fylgja ungbarnaleikskólum.

e) Krílasel ehf.

Leikskólinn vill helst innrita eftir 1. vali og fá að velja eins og þau hafa leitast við að gera hingað til, eftir kennitölu, búsetu og hjúskaparstöðu. Fram kemur að þannig taki þau tillit til einstæðra foreldra sem séu kannski eina fyrirvinna heimilisins. Þau vilja kalla foreldra inn í stutt viðtal með barni og hitta þau og gefa foreldrum kost á að hitta stjórnendur, skoða leikskólann og ákveða síðan hvort þau vilji skrá barnið í dvöl hjá þeim.

Samkvæmt gr. 6.7 fyrirmyndar að samningi er leikskólanum heimilt að taka inn börn með lögheimili í Reykjavík ef þau hafa hann sem sitt fyrsta val. Ekki er því gerð athugasemd við þá nálgun leikskólans.

Með vísan til tillögu og rökstuðnings um viðmið hér að framan er lagt til að synjað verði beiðni um frávík vegna búsetu og hjúskaparstöðu.

f) Skerjagarður

Fram kemur hjá Skerjagarði að leikskólinn hafi verið með sérstakar innritunarreglur vegna aðstæðna í húsinu sem er á tveimur hæðum. Eru því tvær deildir, yngri á fyrstu hæð, hönnuð fyrir yngri börn og sú eldri á annarri hæð. Ef leikskólinn eigi að vera rekstrarhæfur þurfi að vera ákveðinn fjöldi barna í árgangi. Því sé lagt til að verði í samningum um það bil 10-15 börn í hverjum árgangi. (sjá innritunarreglur hér fyrir neðan.) Skerjagarður óskar einnig eftir því að fá rekstrarframlag frá 16-18 mánaða þar sem oft koma börn á yngri deildina á haustin sem eru á þessum aldri. Þó ekki fleiri en 2-4 börn.

Innritunarreglur Skerjagarðs: Skerjagarður er tveggja deilda leikskóli, yngri og eldri deild. Leikskólinn hefur heimild fyrir vistun á 50 börnum.

Á yngri deildinni eru börn frá aldrinum 16 mánaða til þriggja ára og fer eftir biðlista hverju sinni.





Eldri deildin er þriggja til sex ára og rúmar ákveðinn fjöldi barna.

Deildirnar eru hannaðar og skipulagðar eftir aldri barna og þeim aðstæðum sem húsið býður upp á og þurfa innritunarreglurnar að taka mið af því.

Á Skerjagarði er innritað eftir kennitölu þau elstu fyrst á eldri deild. Það er mismunandi á hverju ári hvað mörg börn hætta á eldri deildinni, og hvað þá mörg börn flytjast af yngri deildinni og hversu mörg ný börn koma inn í skólann.

Fram kemur líka að þau taki tillit til systkina enda sé Skerjafjörður lítið hverfi. Skilyrði er að eldra barnið á eftir sex mánuði af leikskólagöngu sinni þegar yngra barnið byrjar.

Með vísan til tillögu og rökstuðnings um viðmið hér að framan er lagt til að fallist verði á beiðni um að innritað verði inn á deildir að uppfylltum skilyrðum sem fram koma undir liðnum.

Með vísan til tillögu og rökstuðnings um viðmið hér að framan er lagt til að beiðni um frávík vegna systkina verði synjað.

g) Vinaminni

Fram kemur hjá Vinaminni að í leikskólanum hafi börn á aldrinum eins til tveggja ára verið í þjónustusamningnum við SFS jafnt og börn á aldrinum tveggja til sex ára. Mikilvægt sé að sá hluti samningsins haldi velli og áfram verði greitt framlag fyrir börn frá eins til sex ára gömul. Á hverju hausti færast börn á milli deilda í leikskólanum þannig að börnin á yngstu deildinni færast yfir á næst yngstu deildina og þannig áfram deild af deild.

Laus leikskólapláss verða því ár hvert nánast öll á yngstu deildum skólans, þá er ekki gerlegt að taka inn t.d. 4 ára gamalt barn sem er á biðlistanum. Það er því ósk framkvæmdastjóra að hægt sé að taka inn börn eftir því á hvaða deild er laust pláss í skólanum hverju sinni. Til dæmis ef það er 4ra ára gamalt barn elst á biðlistanum og það er bara laust pláss á deild þar sem eins eða tveggja ára gömul börn stunda nám þá er barn á þeim aldri tekið inn í skólann. Í Vinaminni hefur verið lögð áhersla á að systkini barna sem stunda nám í skólanum fái forgang í skólann.

Með vísan til tillögu og rökstuðnings um viðmið hér að framan er lagt til að fallist verði á beiðni um að innritað verði inn á deildir að uppfylltum skilyrðum sem fram koma undir liðnum.

Með vísan til tillögu og rökstuðnings um viðmið hér að framan er lagt til að beiðni um frávík vegna systkina verði synjað.

h) Vinagarður leikskóli KFUM og K

Vinagarður leikskóli KFUM og K hefur óskað eftir frávíki frá innritun eftir kennitöluröð vegna forgangs yngri systkina og foreldra í viðkomandi hverfi. Jafnframt er óskað eftir að börn félagsmanna KFUM og KFUK sem hafa náð 18 mánaða aldri skuli njóta forgangs við innritun í leikskólann. Leikskólinn sé eini leikskólinn á landinu þar sem ein af stoðum í hugmyndafræði skólans séu gildi kristinnar trúar. Foreldrar sem vilji hafa slíka stefnu sé ekki stór hópur en leiti í leikskólann til þess að geta gefið börnum sínum umhverfi sem styður við þeirra lífsskoðanir. Verið sé að tala um að hámarki 3-4 börn á ári en að meðaltali taki leikskólinn inn 20-25 ný börn árlega í 80 barna skólann.

Með vísan til tillögu og rökstuðnings um viðmið hér að framan er lagt til að *beiðni um að börn félagsmanna KFUM og KFUK sem hafa náð 18 mánaða aldri skuli njóta forgangs við innritun í leikskólann verði synjað. Það sama gildir vegna beiðni um forgang systkina og forgang foreldra í viðkomandi hverfi.*

i) Gaudium ehf vegna Regnbogans

Fram kemur hjá Regnboganum séu 3 deildir:



Gula sem telur 17 börn, 1-2 ára

Rauða sem telur 28 börn, 2-3 ára og 3-4 ára

Græna sem telur 30 börn, 4-5 ára og 5-6 ára.

Innrituð eru 15-17 börn í hvern skólaárgang

Við úthlutun plássna væri tekið tillit til aldurssamsetningar og systkina og sé það ósk Regnbogans að halda í sömu innritunarreglur.

Í beiðni Regnbogans, dags. 5. febrúar sl. er innritun inn eftir deildum rökstudd með vísan til þess meðal annars að Regnboginn sé hannaður það að markmiði að mæta þörfum barna á ólíkum aldursskeiðum auk þess sem vísað er til fjárhagslegra sjónarmiða. Þar er jafnframt vikið að svokallaðir Víkingasveit og röðun eftir deildum.

Hvað varðar systkinatillit er vísað til farsældarlaga og systkinatillits.

Með vísan til tillögu og rökstuðnings um viðmið hér að framan er lagt til að fallist verði á beiðni um að innritað verði inn á deildir að uppfylltum skilyrðum sem fram koma undir liðnum.

Með vísan til tillögu og rökstuðnings um viðmið hér að framan er lagt til að beiðni um frávík vegna systkina verði synjað en sem áður gildir systkinatillit.

Að lokum

Gerð viðauka vegna beiðna um frávík frá innritun eftir kennitöluröð, elsta barnið fyrst, hefur ekki áhrif á fjárhagsáætlun skóla- og frístundasviðs.



Viðauki við þjónustusamning sjálfstætt starfandi leikskóla

Reykjavíkurborg vegna skóla- og frístundasviðs Reykjavíkurborgar, kt. 530269-7609 annars vegar og [Nafn leikskóla] [kennitala] hins vegar, hér eftir leikskólinn, gera með sér svofelldan viðauka við þjónustusamning sömu aðila dags. [dags. þjónustusamnings]:

1. gr.

Forsendur viðauka

- 1.1. Þjónustusamningur aðila, [dags. þjónustusamnings] og reglur Reykjavíkurborgar um leikskólaþjónustu eru órjúfanlegur hluti viðauka þessa.

2. gr.

Breytingar á þjónustusamningnum

- 2.1 Með vísan til beiðni leikskólans er með viðauka þessum sett sérákvæði vegna innritunar í leikskólann og er honum heimilt að [efnisatriði heimildar og skilyrði].

3. gr.

Varnarping, undirritun ofl.

- 4.1 Viðauki þessi telst vera hluti framangreinds samnings aðila frá [dagsetning samnings] og gilda sömu ákvæði um gildistíma, uppsögn og endurskoðun samningsins. Að því leyti sem ákvæði þessa viðauka og gildandi samnings og síðari viðauka kunna að teljast ósamrýmaleg gilda ákvæði þessa viðauka.
- 4.2 Rísi ágreiningur um efni og/eða túlkun samningsaðila á viðaukanum skal reka ágreiningsmál fyrir héraðsdómi Reykjavíkur.
- 4.3 Samningur þessi er undirritaður með fullgildri rafrænni undirskrift í samræmi við ákvæði laga nr. 55/2019 um rafræna auðkenningu og traustþjónustu fyrir rafræn viðskipti og reglugerð (ESB) 910/2014 um sama efni. Með undirritun ábyrgjast viðkomandi einstaklingar jafnframt að þeir hafi umboð til að skuldbinda aðila, með þeim hætti sem samningurinn gerir ráð fyrir.



Samningur um framlag vegna rekstur leikskóla

I. kafli

Aðilar, tengiliðir, ábyrgð á faglegu starfi og reglur sem ná til samningsins

1. gr.

Aðilar og tengiliðir

1.1 Skóla- og frístundasvið Reykjavíkurborgar, kt. 530269-7609, hér eftir nefnt SFS gerir þennan samning f.h. Reykjavíkurborgar við rekstraraðilann [rekstraraðili] [kennitala og heimilisfang], hér eftir nefndur leikskólinn eða rekstraraðilinn í samningnum.

1.2 Tengiliður fyrir hönd leikskólans er [nafn og starfsheiti tengiliðar]. Tengiliður fyrir hönd SFS er [Nafn og starfsheiti tengiliður]. Tengiliðir skulu leggja áherslu á að koma erindum og úrlausnarefnum fljótt og vel í réttan farveg og hraða afgreiðslu þeirra, jafnframt að skrá og geyma minnisatriði um samskiptin og hvernig hverju úrlausnarefni er lokið.

1.3 SFS skal bjóða stjórnendum og rekstraraðilum sjálfstætt starfandi leikskóla reglulega til funda til að fjalla um málefni leikskólanna, að lágmarki tvisvar á ári. Þá skal halda fundi með Sjálfstæðum skólum í kjölfar samþykktar fjárhagsáætlunar þar sem gerð er grein fyrir forsendum framlaga til sjálfstætt starfandi leikskóla sem gert hafa samning við SFS. Jafnframt ber að upplýsa sjálfstætt starfandi skóla um breytingar á reglum um leikskólaþjónustu, eigi síðar en í beinu framhaldi samþykktar breytinga í borgarráði.

2. gr.

Ábyrgð á faglegu starfi leikskóla

2.1 Með undirritun samningsins staðfestir leikskólinn að hann ber fulla og óskipta ábyrgð á framkvæmd faglegs leikskólastarfs í leikskólanum samkvæmt lögum og stjórnvaldsfyrirmælum um leikskóla og aðalnámskrá leikskóla sem og öðrum lögum og reglum er gilda um starfsemi leikskóla hverju sinni að því marki sem ábyrgð á slíkri framkvæmd er ekki með lögum falin öðrum, þ. á.m. sveitarfélögum. Með faglegu leikskólastarfi er átt við nám, kennslu, umönnun, uppeldi, sérstaka aðstoð og þjálfun.

2.2 Framkvæmd sjálfstætt starfandi leikskóla skal byggja á menntastefnu Reykjavíkurborgar og taka mið af mannréttindastefnu Reykjavíkurborgar við gerð skólanámskrár, starfsáætlunar og í leikskólastarfinu. Komi upp ágreiningsmál vegna þessa skulu tilnefndir tveir aðilar, einn af hálfu hvors samningsaðila auk sameiginlegrar tilnefningar oddamanns sem þeir koma sér saman um og skulu þeir leitast við að leysa úr ágreiningnum.

2.3 Við leikskólann skal vera leikskólastjóri í fullu starfi (100%) sem stjórnar starfi hans í umboði rekstraraðila. Til samræmis við 5. gr. laga um leikskóla stjórnar leikskólastjóri daglegum rekstri



Fylgiskjal 2

og starfi leikskóla og gætir þess að leikskólastarf sé í samræmi við lög, reglugerðir, aðalnámskrá leikskóla, skólanámskrá og önnur gildandi fyrirmæli.

[Skóla- og frístundasviði er heimilt er að gefa sjálfstætt starfandi leikskóla sem ekki uppfyllir skilyrðið við gildistöku samningsins frest til sex mánaða til að uppfylla þessa kröfu.]

3. gr.

Helstu lög og reglur sem leikskólanum ber að fara eftir

3.1 Samningur þessi er gerður í samræmi við 25. gr. laga um leikskóla nr. 90/2008 og reglur Reykjavíkurborgar um rekstrarleyfi leikskóla en framlag SFS er háð því skilyrði að leikskólinn hafi gilt rekstrarleyfi í Reykjavík.

3.2 Leikskólinn fylgir reglum Reykjavíkurborgar um leikskólaþjónustu til samræmis við það sem fram kemur í reglunum sjálfum og í samningi þessum. Taki reglurnar breytingum gilda þær svo breyttar gagnvart leikskólanum án sérstakrar tilkynningar, uppsagnar eða endurskoðunar samningsins af hálfu samningsaðila.

3.3 Með vísan til 1. mgr. 25. gr. laga um leikskóla nr. 90/2008 gilda um rekstur leikskólans sömu lög og reglur og gilda um aðra leikskóla, meðal annars lög nr. 95/2019 um menntun, hæfni og ráðningu kennara og skólastjórnenda við leikskóla, grunnskóla og framhaldsskóla. Meðal annars er allt starfsmannahald, þar á meðal ráðningar og ráðningarsamband, á ábyrgð leikskólans.

3.4 Með vísan til 1. mgr. 25. gr. og 30. gr. laga nr. 90/2008 um leikskóla skal leikskólinn fylgja ákvæðum laga um leikskóla og stjórnarsýslulaga nr. 37/1993 við töku ákvarðana sem eru kæranlegar skv. 30. gr. laga um leikskóla.

3.5 Með vísan til 101. gr. sveitarstjórnarlaga nr. 138/2011 gilda ákvæði upplýsingalaga nr. 140/2012 um þá stjórnarsýslu sem leikskólinn annast.

3.6 Með vísan til ákvæða laga nr. 77/2014 um opinber skjalasöfn skal leikskólinn tryggja fullnægjandi skjalastjórn og skjalavörslu skjala sem lúta að leikskólastarfi. Ber leikskólinn sjálfstæða skyldu til að afhenda opinberu skjalasafni skjöl til samræmis við ákvæði laganna.

3.7 Skólinn aflar og kannar sakarvottorð starfsfólks og tryggir að þau standist þær kröfur sem leiða af 6. gr. laga nr. 90/2008 um leikskóla. Samkvæmt ákvæðinu er óheimilt að ráða til starfa við leikskóla einstakling sem hlotið hefur refsidóm fyrir brot á ákvæðum XXII. kafla almennra hegningarlaga. Við ráðningu skal liggja fyrir sakavottorð eða heimild leikskólastjóra til að afla upplýsinga úr sakaskrá.

3.8 Eftir því sem við á fer um framlög til leikskólans og skyldur hans eftir því sem kveðið er á um í reglum Reykjavíkurborgar sem samþykktar voru í borgarráði hinn 25. maí 2017.¹ Í því felst m.a. að leikskólinn skal geta þess í kynningarefni að hann njóti framlaga frá Reykjavíkurborg auk þess sem leikskólanum ber að skila SFS kyngreindum gögnum um þá sem eftir atvikum veita eða njóta tiltekinna þjónustu eða gæða vegna framlaganna. Sérstaklega skal greint frá því hvaða áhrif framlögin hafa á stöðu jaðarsettra hópa fólks, sbr. mannréttindastefnu Reykjavíkur.¹

3.9 Leikskólanum ber með sama hætti og leikskólum Reykjavíkurborgar að fylgja fyrirmælum neyðarstjórnar Reykjavíkurborgar, samkvæmt gildandi viðbragðsáætlun Reykjavíkurborgar, ef lýst hefur verið yfir neyðarástandi til samræmis við lög nr. 82/2008 um almannavarnir og reglugerð nr. 650/2009 um flokkun almannavarnarstiga

¹ https://reykjavik.is/sites/default/files/skjol_thjonustulysingar/reglur_reykjavikurborgar_um_styrki.pdf



Fylgiskjal 2

3.10 Reykjavíkurborg hefur það að markmiði að tryggja í hvívetna áreiðanleika, trúnað og öryggi allra persónuupplýsinga sem unnið er með á vegum Reykjavíkurborgar, samanber persónuverndarstefnu Reykjavíkurborgar.

Leikskólinn skal fylgja ákvæðum laga um persónuvernd og vinnslu persónuupplýsinga nr. 90/2018 enda teljist hann ábyrgðaraðili/sameiginlegur ábyrgðaraðili/vinnsluaðili persónuupplýsinga vegna vinnslu þeirra í starfsemi leikskólans. Skólanum ber að tryggja að miðlun upplýsinga samkvæmt samningi þessum til skóla- og frístundasviðs sé í samræmi við framangreind lög.

Leikskólinn og SFS gera með sér samkomulag um vinnslu persónuupplýsinga á milli sameiginlegra ábyrgðaraðila.

Leikskólinn og SFS bera hvor um sig ábyrgð á þeirri vinnslu sem þeir inna af hendi samkvæmt gildandi lögum og reglum, sem og samkvæmt samningi um sameiginlega ábyrgð og ákveða um aðferðir við vinnslu persónuupplýsinga að svo miklu leyti sem þeir hafa ekki komið sér saman um annað.

II. kafli

Umfang leikskólaþjónustu

4. gr.

Opnunartími leikskóla og fæði

4.1 Leikskólinn skal veita leikskólaþjónustu alla virka daga ársins, að frátalinni lokun vegna sumarleyfis leikskólabarna í 20 virka daga, aðfangadegi jóla, gamlárdegi og sex skipulagsdaga. Leitast skal við að skipulagsdagar leikskólans og grunnskóla í hverfinu fari saman. Með leikskólaþjónustu er átt við þá kennslu og uppeldisstarf sem alla jafna fer fram í leikskóla ásamt stuðningi við þau börn sem hana þurfa til samræmi við lög um leikskóla.

4.2 Samningurinn tekur til leikskólareksturs frá kl. 07:30 til 16:30, en greitt er framlag til leikskólans vegna 42,5 stunda dvalartíma að hámarki á viku sem er til samræmis við fjölda dvalarstunda í leikskólum Reykjavíkurborgar, sjá jafnframt gr. 22.5 í samningi þessum.

Leikskólanum er heimilt að hafa lengri þjónustutíma ef það samrýmist ákvæðum laga og stjórnvaldsfyrirmæla, meðal annars um leikskólastarfsemi og vernd barna og ungmenna, að því tilskyldu að hann beri tilfallandi kostnað af því.

4.3 Börn skulu fá máltíðir í leikskólanum, þ.e. morgunhressingu, hádegismat og síðdegishressingu, í samræmi við ráðleggingar um mataræði og næringarefni frá Embætti landlæknis.

5. gr.

Viðbótargreiðsla vegna barna sem þurfa sérstaka aðstoð og þjálfun

5.1 SFS greiðir fyrir sérstaka aðstoð og þjálfun í samræmi við reglur SFS sem gilda fyrir börn með lögheimili í Reykjavík sem vistuð eru í leikskólum, sbr. 1. mgr. 22. gr. laga nr. 90/2008 um leikskóla. Reglurnar eru birtar á vef Reykjavíkurborgar; www.reykjavik.is. Um kostnað vegna barna sem eiga lögheimili í öðrum sveitarfélögum, semur skólinn sérstaklega við viðkomandi sveitarfélag.



Fylgiskjal 2

5.2 Leikskólinn á rétt á skólaþjónustu í Miðstöðvum Reykjavíkurborgar í hverjum borgarhluta til samræmis við reglugerð nr. 444/2019 um skólaþjónustu. Yfirlit yfir hvað felst í skólaþjónustu mun liggja fyrir af hálfu skóla- og frístundasviðs eigi síðar en 15. nóvember 2024.

5.3 Leikskólanum skal tryggður sambærilegur aðgangur að upplýsingum og umsóknareyðublöðum og leikskólum Reykjavíkurborgar.

6. gr.

Innritun og dvalarsamningur

6.1 Reglur Reykjavíkurborgar um leikskólaþjónustu gilda um umsókn og innritun í leikskólann með sama hætti og gagnvart leikskólum Reykjavíkurborgar. Reglurnar eða hlekkur á þær skulu birtar á heimasíðu leikskólans.

6.2. Samkvæmt reglum um leikskólaþjónustu er það skilyrði innritunar að barn sé með lögheimili í Reykjavík og að foreldrar barnsins séu ekki í vanskilum við SFS vegna leikskólagjalda. Leikskólanum er því aðeins heimilt að innrita barn með lögheimili í Reykjavík að fenginni staðfestingu SFS þess efnis að foreldrar þess séu ekki í vanskilum en innritunarkerfið Vala kemur í veg fyrir innritun í Völu í þessum tilfellum.

6.3 Börn innritast í leikskóla eftir kennitölu, þau elstu fyrst og á það við jafnt um ungbarnaleikskóla, almennar deildir og ungbarnadeildir, sjá nánar í reglum Reykjavíkurborgar um leikskólaþjónustu. Ákvæði reglna um leikskólaþjónustu um forgang til samræmis við það sem þar kemur fram gilda um sjálfstætt starfandi leikskóla.

6.4 Foreldrar sem vilja sækja um pláss í leikskólanum gera það með umsókn sem fylla skal út á vefsíðu sem SFS leggur til, nú umsokn.vala.is, sem birta skal á heimasíðu leikskólans. Skal þess gætt að upplýsingar á vefsíðunni verði hlutlausar m.t.t. þess hvort umsóknin varðar pláss í leikskóla Reykjavíkurborgar eða sjálfstætt rekens leikskóla. Í umsókn skal tilgreina óskir um þjónustu, þ.á.m. í hvaða leikskóla þjónustan verði veitt. Þannig er gert ráð fyrir að sjálfstætt starfandi skólar noti innritunarkerfi Reykjavíkurborgar sem nú er Vala leikskóli, varðandi umsóknir, innritun og umsýslu biðlista, breytingar á dvalarsamningum og umsóknir um afslætti og önnur atriði sem Vala heldur utan um og varða samskipti aðila (<https://vala.is/>). Ef leikskólinn notar annað kerfi þá verði tenging á milli kerfa.

Yfirlit yfir skráningar í Völu leikskóla mun liggja fyrir af hálfu skóla- og frístundasviðs eigi síðar en 15. nóvember 2024.

6.5 Skóla- og frístundasvið ber kostnað vegna gjaldtöku InfoMentor ehf, eða þess vinnsluaðila sem í hlut á hverju sinni, vegna notkunar Völu leikskóla eða annarra slíkra kerfa sem SFS nýtir vegna umsókna, innritunar, umsýslu biðlista auk þeirra skráninga upplýsinga í Völu sem það reynist nauðsynlegt á grundvelli þessa samnings. Ef leikskóli notar annað kerfi í starfsemi sinni þarf leikskólinn að tryggja reglubundinn (þó daglega á tímabili aðalinnritunar að vori) samlestur yfir í Völu leikskóla á eigin kostnað. Aðilar samningsins vinna að nánari útfærslu í samvinnu.

6.6 Leikskólinn vinnur að innritun barna eftir þeim reglum sem gilda um innritun hjá SFS vegna leikskóla Reykjavíkurborgar og eftir ákvæðum samningsins. Leikskólinn skal skrá breytingar á dvalarsamningi og þegar pláss losnar í leikskólanum með skráningu í umsýslukerfið sem nú er Vala leikskóli.



Fylgiskjal 2

6.7 Foreldrar barna með lögheimili í Reykjavík eiga forgang að öllum lausum plássum í leikskólanum á tímabilinu frá 1. mars til 15. apríl hvert almanaksár vegna innritunar fyrir komandi skólaár. Forgangurinn gildir a.m.k. vegna innritunar samkvæmt fyrsta vali foreldra.

[Þrátt fyrir ákvæði 6.7 er leikskóla sem starfræktur er við staðarmörk Reykjavíkurborgar og annarra sveitarfélaga heimilt að óska þess með umsókn til SFS að foreldrar barna með lögheimili í Reykjavík eigi forgang að allt 80 % að lausum plássum leikskólans fram yfir umsóknir vegna barna með lögheimili í öðrum sveitarfélögum út frá rekstrarleyfi leikskólans]. Framangreint á við að því gefnu að heimilt sé að greiða framlag til þess fjölda samkvæmt samningi þessum.]

Ef á biðlista leikskólans, með hann í 1. vali, eru eingöngu börn með lögheimili í öðrum sveitarfélögum er ekki gerð athugasemd við innritun þeirra.

Ekki er gerð krafa um að börnum úr öðrum sveitarfélögum sem eru í leikskólanum við undirritun samningsins verði sagt upp plássinu.

6.8 Með lausum plássum er átt við heildarfjölda barna samkvæmt samningi þessum að frádregnum börnum sem verða í vistun þann 1. september sama ár.

6.9 Óheimilt er samkvæmt samningi þessum að neita börnum um leikskóladvöl á grundvelli sérþarfa barnsins.

6.10 Leikskólinn skal útbúa skriflegan dvalarsamning undirritaðan af leikskólastjóra/leikskólanum og foreldrum barns. Breytingar á dvalarsamningi skulu einnig vera skriflegar og undirritaðar af báðum aðilum. Dvalarsamningur og breytingar á honum skulu vera aðgengilegar fyrir SFS. Heimilt er að undirrita skriflega eða með fullgildri rafrænni undirskrift í samræmi við ákvæði laga nr. 55/2019 um rafræna auðkenningu og traustþjónustu fyrir rafræn viðskipti og reglugerð (ESB) 910/2014 um sama efni.

6.11 Það er gagnkvæmur skilningur samningsaðila að sjálfstætt reknum leikskóla sé heimilt að innrita börn með lögheimili í öðrum sveitarfélögum en Reykjavíkurborg að því leyti sem ekki er á um annað kveðið í samningnum og gera samninga við önnur sveitarfélög um fyrirkomulag gjaldtöku og þjónustu að því leyti sem ekki er á um annað kveðið í samningnum.

6.12[Ef til staðar eru málefnalegar ástæður er réttlæta að vikið sé frá framangreindu ákvæði í gr. 6.3, um innritun eftir kennitölu, getur sjálfstætt starfandi leikskóli óskað eftir sérákvæði í samningi vegna þessa. Ákvæði þess efnis útfært eftir aðstæðum hverju sinni].

III. kafli

Gjaldskrá, dvalar- og fæðisgjöld

7. gr.

Gjaldskrá

7.1 Gjaldskrá leikskólans má aldrei vera hærri en sem nemur gjaldskrá SFS vegna náms og fæðis barna í leikskólum Reykjavíkurborgar, vegna náms og fæðis barna í leikskólanum, margfölduð með 2,15, vegna ungbarnaleikskóla og ungbarnadeilda eða 1.15 vegna leikskóla fyrir 18 mánaða börn til sex ára. Gjaldskrá SFS vegna leikskóla er samþykkt af borgarstjórn og getur breyst án fyrirvara, sjá nánar 6. gr. reglna Reykjavíkurborgar um leikskólaþjónustu.



Fylgiskjal 2

8. gr.

Náms- og fæðisgjöld

8.1 Gjöld vegna náms og fæðis barna, einu nafni leikskólagjöld, í leikskólanum skulu miðast við gjaldskrá SFS sbr. 7. gr. Gjöldin renna milliliðalaust til leikskólans og er gerð mánaðarlegra reikninga fyrir leikskólagjöldum og innheimta þeirra á verksviði og ábyrgð leikskólans.

8.2 Komi til greina að leggja viðbótargjöld á foreldra er leikskólanum það heimilt að því gefnu að ekki sé gert ráð fyrir þjónustunni/kostnaðinum sem gjöldin eiga að standa undir í framlagi Reykjavíkurborgar til leikskólans, það er hann falli utan hefðbundins kostnaðar vegna leikskólastarfs hjá Reykjavíkurborg, sem dæmi má nefna bleyjukostnaður og kostnaður vegna þjónustu sem veitt er umfram umsamin opnunartíma og á samningsbundnum lokunardögum.

8.3 Á hverjum reikningi til foreldra vegna leikskólagjalda skal meðal annars koma fram nafn og kennitala barns, lögheimili og fast aðsetur, tímabil sem rukkað er fyrir og meðalfjöldi dvalartíma á dag ásamt upplýsingum um keypt fæði, samanber morgunmat, hádegismat og síðdegishressingu. Leikskólinn skal vista afrit reikninga skipulega og aðgengilega, þannig að SFS geti sannreynt upplýsingarnar.

8.4 Leikskólinn skal jafnframt skrá ofangreindar upplýsingar, samkvæmt gr. 8.3 samningsins, um hvert barn í Völu leikskóla/umsýslukerfið. Barngildi og dvalargildi hvers barns eru skráð sjálfkrafa í Völu-umsýslukerfi, dvalargildi mánaðar í heild og barnafjölda mánaðar í heild en leikskólinn staðfestir upplýsingar í heild.

IV. kafli

Húsnæði, búnaður og fjöldi starfsfólks

9. gr.

Húsnæði, fjöldi barna og starfsfólks

9.1 Gerð leikskólahúsnæðis, aðstæður og starfsumhverfi, skal taka mið af þörfum barna og þeirri starfsemi sem fram fer í leikskóla til samræmis við lög nr. 90/2008 um leikskóla og reglugerð nr. 655/2009, um starfsumhverfi leikskóla. Leggja skal áherslu á öruggt og rúmgott náms- og starfsumhverfi. Húsnæði og allur aðbúnaður skal taka mið af því að tryggja öryggi og vellíðan barna og starfsfólks, svo sem hvað varðar húsbúnað, hljóðvist, lýsingu og loftræstingu. Gert skal sérstaklega ráð fyrir rými fyrir skólaþjónustu vegna barna með stuðningsþarfir og vinnuaðstöðu starfsfólks. Við ákvörðun um fjölda starfsfólks ber að taka tillit til viðmiða SFS um barngildi sem fram koma í yfirliti yfir rekstrar- og húsnæðisframlag í viðauka 1 og/eða 2. Viðmið SFS geta tekið breytingum og gilda þá sömu breytingar og fyrir leikskólann.

9.2 Leikskólinn skal útbúa viðbragðsáætlun vegna fáliðunar og ber honum að birta hana á heimasíðu sinni. Leikskólanum ber að tilkynna fagstjóra í Miðstöð ef til þess kemur að senda þurfi börn heim vegna fáliðunar.

10. gr.

Lóð og húsnæði í eigu Reykjavíkurborgar eða framleigu

10.1 Grein þessi gildir í þeim tilvikum þegar leikskólinn hefur til umráða samkvæmt leigusamningi við Eignasjóð Reykjavíkurborgar, lóð og húsnæði sem er í eigu Reykjavíkurborgar eða sem borgin framleigir til leikskólans.

10.2 Um er að ræða [tiltaka hér stærð lóðar og húsnæðis]



Fylgiskjal 2

10.3 Leikskólinn skal leggja til leikföng og annan lausan búnað svo sem húsgögn, tölvubúnað o.s.frv. Leikskólinn skal halda sínum búnaði við og endurnýja hann eftir þörfum á samningstímanum.

10.4 Leigusamningur vegna lóðar, húsnæðis og búnaðar miðast við gildistíma samningsins.

10.5 Að því leyti sem ákvæði þessa samnings kunna að teljast ósamrýmanleg leigusamningi Eignasjóðs gilda ákvæði leigusamningsins.

10.6 Sé þjónustusamningi rift eða hann ekki endurnýjaður skal sá búnaður sem rekstraraðili lagði til vera eign hans.

11. gr.

Lóð og húsnæði í eigu leikskólans eða í leigu af þriðja aðila

11.1 Grein þessi gildir í þeim tilvikum þegar lóð og húsnæði er í eigu leikskólans eða hann hefur tekið það af leigu af þriðja aðila.

11.2 Um er að ræða [tiltaka hér stærð lóðar og húsnæðis].

11.3 Rekstraraðili skal leggja til rekstursins allan nauðsynlegan stofnbúnað til leikskólastarfs svo sem borð, stóla, önnur húsgögn og föst leiktæki á lóð.

11.4 Rekstraraðili skal sinna viðhaldi á húsnæði og búnaði þannig að húsnæði og búnaður sé ávallt fullnægjandi til leikskólastarfs eða tryggja að leigusali annist viðhald með slíkum hætti.

11.5 Rekstraraðili skal leggja til leikföng og lausan búnað svo sem tölvubúnað o.s.frv. Rekstraraðili skal halda sínum búnaði við og endurnýja hann eftir þörfum á samningstímanum.

12. gr.

Úttekt á húsnæði og lóð

12.1 Húsnæði, skólalóð og allur búnaður skal uppfylla kröfur laga nr. 90/2008 um leikskóla, reglugerðar nr. 655/2009 um starfsumhverfi leikskóla, aðalnámskrár leikskóla og laga nr. 46/1980 um aðbúnað, hollustuhætti og öryggi á vinnustöðum. Einnig ber að uppfylla kröfur heilbrigðis- og byggingaryfirvalda til slíkra mannvirkja. Jafnframt ber að tryggja að fram fari lögbundið eftirlit með leikvallartækjum og leiksvæðum. Leggja ber fram hjá SFS vottorð sem staðfesta framangreint.

13. gr.

Önnur starfsemi og notkun lóðar, húsnæðis eða búnaðar

13.1 Leikskólinn skal ekki nýta lóð, húsnæði og búnað leikskólans í starfsemi sem talist getur ósambýðanleg leikskólarekstri, þ. á m. starfsemi sem getur talist falla undir lögreglusamþykkt fyrir Reykjavíkurborg, starfsemi sem tengist umsýslu og sölu tóbaks eða nikótínvara eða starfsemi sem gæti talist siðferðilega ámælisverð í samhengi við rekstur leikskóla eða valdið leikskólanum og SFS hnekki.



V. kafli

Fjárhagsleg ábyrgð og vátryggingar

14. gr.

Fjárhagsleg staða og framsal samnings

14.1 Leikskólinn ber fjárhagslega ábyrgð á allri framkvæmd samningsins og rekstri leikskólans. Réttarsamband leikskólans og viðskiptavinar hans er einkaréttarlegs eðlis og SFS óviðkomandi. Leikskólanum er óheimilt að framselja samninginn eða réttindi samkvæmt honum til þriðja aðila. Jafnframt er óheimilt að veðsetja samninginn eða tengja hann á nokkurn hátt öðrum álíka löggerningi. Þó er leikskólanum heimilt á eigin ábyrgð að semja við banka og lánastofnanir um forgangsörðun greiðslna sem berast samkvæmt samningnum upp í fjárhagslegar skuldbindingar leikskólans og annað slíkt sem hefðbundið þykir í viðskiptum við banka og lánastofnanir og fyrirtæki sem annast reikningakaup. SFS á hvorki aðild að slíkum samningi né ber ábyrgð á honum.

15. gr

Um skaðabótaábyrgð leikskólans

15.1 Um skaðabótaábyrgð leikskólans fer eftir almennum reglum skaðabótaréttar.

15.2 Leikskólinn ber sjálfur ábyrgð á því tjóni, sem hann kann að verða fyrir við framkvæmd leikskólaþjónustu. Ennfremur ber leikskólinn ábyrgð á því tjóni eða slysum, sem hann kann að valda SFS eða þriðja aðila meðan á gildistíma samningsins og við framkvæmd leikskólaþjónustu auk þess tjóns er SFS eða þriðji aðili kann að verða fyrir við framkvæmd þess.

15.3 Leikskólinn skal vera með nauðsynlegar og viðeigandi tryggingar á eigin kostnað en með því er átt við slysatryggingar barna, slysatryggingar launþega (til samræmis við skyldur samkvæmt kjarasamningum), bruna-, vatns- og innbrotstryggingar lausafjármuna, frjálsa ábyrgðartryggingu og brunatryggingu húseigna til samræmis við skyldur húseigenda. Sé lóð og húsnæði í eigu þriðja aðila, skal leikskólinn, eftir atvikum og að breyttu breytanda, ganga úr skugga um að leigusali tryggi það með sama hætti og væri húsnæðið í eigu leikskólans.

16. gr.

Verktakar og kvittanir fyrir vátryggingum (keðjuábyrgð)

16.1 Ef leikskólinn ræður verktaka í tiltekna verkþætti í leikskólann skal rekstraraðili leikskólans tryggja að þeir hafi sams konar vátryggingarvernd og greinir í gr. 15.3, enda telst hann að fullu ábyrgur vegna athafna eða athafnaleyssi þeirra að því leyti sem verktakinn eða verkið sem hann vinnur fellur ekki undir vátryggingarvernd leikskólans. Óheimilt er að ráða verktaka til að sinna almennu faglegu leikskólastarfi en þó ekki vegna stöku aðkomu verktaka sem dæmi vegna danskennslu. Óheimilt er að ráða verktaka til starfa við leikskóla sem hlotið hefur refsidóm fyrir brot á ákvæðum XXII. kafla almennra hegningarlaga, sbr. gr. 3.6.

16.2 Leikskólinn skal sjá til þess að SFS geti haft í leikskólanum aðgang að öllum vátryggingaskírteinum og greiðslukvittunum fyrir iðgjöldum eða staðfestingum á að viðkomandi vátryggingar séu í gildi á hverjum tíma.

VI. kafli

Eftirlit og upplýsingagjöf



17. gr.

Eftirlit

SFS fer með eftirlit með efndum samningsins.

18. gr.

Upplýsingagjöf

18.1 Leikskólinn skal hafa rekstrar- og bókhaldslegar upplýsingar aðgengilegar fyrir SFS þegar eftir því er óskað í þeim tilgangi að sannreyna efndir leikskólans samkvæmt samningnum. Ef upplýsingar eru til staðar í gögnum sem þegar hafa verið birt opinberlega er heimilt að vísa til þess hvar þær er að finna. Jafnframt ber að veita SFS allar aðrar upplýsingar um starfsemi og fjárhag leikskólans sem nauðsynlegar kunna að vera vegna rannsókna eða úttekta sem SFS kann að framkvæma eða láta framkvæma og varða leikskóla. SFS er heimilt að afhenda fyrirbyggjandi upplýsingar um starfsemi og fjárhag leikskólans til þriðja aðila sem hefur undirgengist trúnaðarsamning gagnvart SFS reynist það nauðsynlegt vegna rannsókna eða úttekta á starfsemi leikskólans.

18.2 Árlega skal leikskólinn skila til SFS eftirfarandi gögnum:

1. Starfsáætlun fyrir komandi leikskólaár, byggð á skólanámskrá, ár hvert samkvæmt reglum og viðmiðum sviðsins hverju sinni sem í dag er 1. júlí ár hvert.
2. Ársskýrslu næstliðins leikskólaárs, fyrir lok ágúst ár hvert.
3. Skóladagatal leikskólans, fyrir 1. júlí ár hvert.
4. Gjaldskrá, fyrir lok ágúst, ár hvert. Veita ber upplýsingar um öll aukagjöld sem lögð eru á foreldra með staðfestingu foreldraráðs.
5. Breytingar á gjaldskrá skal tilkynna SFS þegar þær taka gildi.
6. Hlutfall fagmenntaðs starfsfólks, fjölda starfsfólks og starfshlutfall eigi síðar en 10. dag hvers næstliðandi mánaðar ef breytingar verða.
7. Upplýsingum um húsnæði ef breytingar verða, s.s. hvort um sé að ræða húsnæði í eigu Reykjavíkurborgar, leiguhúsnæði á almennum markaði, húsnæði í eigu leikskólans eða í eigu fasteignafélags sem sé í eigu sama eignaraðila og rekstur leikskólans fer fram í. Einnig skal þess getið ef nán tengsl eða vensl eru milli leikskólans og eiganda húsnæðis. Skóla- og frístundasviði skal heimilt að kalla eftir afriti af leigusamningi ef þess þykir þörf.
8. Viðmið leikskólans um þörf á starfsfólki miðað við samsetningu barnahópsins og viðmið SFS, fyrir lok september ár hvert og þegar breytingar verða.
9. Endurskoðuðum ársreikningi skal skila fyrir 1. maí ár hvert, sjá nánar í 20. gr. samningsins. Hægt er að fá lengdan skilafrest til og með 31. ágúst.

Eftirfarandi upplýsingar skulu vera aðgengilegar í leikskólanum í þeim tilgangi að sannreyna efndir leikskólans samkvæmt samningnum:

1. Áætlun um innra mat á skólastarfi og innra mat sbr. 18. gr. laga 90/2008.
2. Vátryggingarskírteini og greiðslukvittanir fyrir iðgjöldum eða eftir atvikum staðfestingar á að viðeigandi vátryggingar séu í gildi, með hliðsjón af ákvæði 16.2 þessa samnings.
3. Dvalarsamningur og breytingar á honum, sbr. gr. 6.10
4. Upplýsingar um menntun starfsfólks og starfshlutfall, sbr. gr. 28.3.



Fylgiskjal 2

5. Önnur gögn sem nauðsynleg eru í þeim tilgangi að sannreyna efndir leikskólans samkvæmt samningnum.

19. gr.

Samþykki vegna greiðslu framlags og skoðun

19.1 SFS hefur rétt á að kanna upplýsingar sem leikskólinn byggir mánaðarlegt uppgjör á og gera rökstuddar athugasemdir ef við á og getur þá greiðsla frestast, að hluta eða öllu leyti. Annars samþykkir SFS greiðslu á grundvelli skráninga í Völu leikskóla og greiðsla fer fram. Þrátt fyrir að SFS hafi samþykkt og greitt samkvæmt skráningu í Völu – leikskóla hefur SFS engu að síður rétt á að skoða uppgjör og forsendur þeirra á gildistíma samningsins, bera fram fyrirspurnir eða rökstuddar athugasemdir og taka upp eldri uppgjör, ef upplýsingar eða aðrar forsendur fyrir uppgjörum orka tvímælis. Leikskólinn skal veita SFS upplýsingar og aðstoð eftir þörfum við slíka vinnu. Eftir því sem við á á leikskólinn sambærilegan rétt til að taka upp eldri uppgjör.

20. gr.

Bókhald og endurskoðun ársreikninga

20.1 Óháð ákvæðum 3. og 109. gr. laga nr. 3/2006, um ársreikninga, þ.m.t. ákvæði 7. mgr. 3. gr. laganna, skal leikskólinn semja ársreikning sem samræmist ákvæðum II. kafla reglugerðar nr. 696/2019, um framsetningu og innihald ársreikninga og samstæðureikninga. Ársreikningurinn skal áritaður af löggiltum endurskoðanda skv. 104. gr. laga nr. 3/2006 og 16. gr. laga nr. 94/2019, um endurskoðendur og endurskoðun. Í stað ákvæðis 6. tölul. 2. mgr. 16. gr. laga nr. 94/2019 skal áritunin innihalda mat á rekstrarhæfi leikskólans.

20.2 Leigi leikskólinn húsnæði af tengdum aðila eða kaupir af honum aðra þjónustu skal umfangsins getið í skýringunum ásamt mati á hvort viðskipti við tengda aðila hafi verið gerð á armslengdarkjörum eður ei.

20.3 Í skýringunum skal fjallað um kröfur eigenda á hendur leikskólanum og kröfur leikskólans á hendur eigendum og lagt mat á hvort slík viðskipti samræmist lögum og reikningsskilaaðferðum. Gögnunum ber að skila til SFS sbr. 9. tölulið í gr. 18.2. þessa samnings.

20.4 Greiði leikskólinn arð skal skila SFS ítarupplýsingum staðfestum af löggiltum endurskoðanda, um skiptingu tekna, þ.m.t. launa-, stjórnunar-, starfsmanna- og annars rekstrarkostnaðar, vegna þeirrar þjónustu sem veitt er borginni aðgreindri frá annarri starfsemi félagsins.

20.5 Ekki er gerð krafa um verktryggingu ef fyrir liggur staðfesting löggilts endurskoðanda með ársreikningi um að viðkomandi skóli sé rekstrarhæfur næstu 12 mánuði eftir uppgjörssdag.

21. gr.

Upplýsingagjöf til Innri endurskoðunar Reykjavíkurborgar

21.1 Leikskólanum ber að láta Innri endurskoðun og ráðgjöf Reykjavíkurborgar í té þær upplýsingar sem hún kann að óska eftir með vísan til starfssviðs hennar, verkefna og hlutverks skv. 1. mgr. 2. gr. og 4. gr. samþykktar fyrir Innri endurskoðun og ráðgjöf Reykjavíkurborgar og innri endurskoðanda.

VII. kafli

Rekstrar- og húsnæðisframlag

22. gr.



Fylgiskjal 2

Fjöldi barna og vistunartími

22.1 Fjöldi barna sem greitt er framlag vegna á aldrinum 12 mánaða til sex ára er að hámarki [fjöldi barna] og þar af [fjöldi barna] á aldrinum 12 til 18 mánaða nema rekstrarleyfi leikskólans kveði á um færri börn. Ákvæði þetta á við um þá leikskóla sem eru með ungbarnadeild.

22.2 Fjöldi barna sem greitt er framlag vegna á aldrinum 18 mánaða til sex ára er að hámarki [fjöldi barna] nema rekstrarleyfi leikskólans kveði á um færri börn. Ákvæði þetta á við um þá leikskóla sem eru ekki með ungbarnadeildir.

22.3 Fjöldi barna sem greitt er framlag vegna á aldrinum 9/12 mánaða til 36 mánaða er að hámarki [fjöldi barna] nema rekstrarleyfi leikskólans kveði á um færri börn. Ákvæði þetta á við um ungbarnaleikskóla.

22.4 Ef rekstrarleyfi leikskólans breytist með þeim hætti að börnum samkvæmt því fækki er greitt framlag vegna þess fjölda. Barn sem dvelur í leikskólanum í 5,5 klst. á dag eða skemur telst vera í hálf dagsvistun, barn sem dvelur í 6 klst. á dag eða lengur í leikskólanum telst vera í heild dagsvistun. Tvö börn í hálf dagsvistun reiknast sem eitt barn í heild dagsvistun.

22.5 Fjöldi niðurgreiddra dvalarstunda er í samræmi við 1. mgr. gr. 1.b í reglum Reykjavíkurborgar um leikskólaþjónustu, nú 42,5 klukkustundir innan vikunnar frá mánudegi til föstudags.

23. gr.

Skilyrði fyrir framlagi SFS

23.1 SFS greiðir framlag vegna barns sem dvelur í leikskólanum ef það er með lögheimili og fasta búsetu í Reykjavík og foreldrar þess eru ekki í vanskilum með leikskólagjöld við SFS. Áður en leikskóladvöl barns hefst ber leikskólanum að kanna hvort skilyrðum framlags sé fullnægt, þ.m.t. hvort foreldrar séu í vanskilum með leikskólagjöld.

23.2 Einungis er greitt framlag með barni vegna vistunar á einum stað í einu, þ.e. í leikskóla eða hjá dagforeldri. SFS greiðir framlag vegna barns meðan uppsagnarfrestur er í gildi, þó að hámarki í einn mánuð og skal uppsögn miðast við 1. og 15. dag hvers mánaðar. Framlag er ekki greitt fyrir barn sem byrjar í vistun á nýjum stað fyrr en að uppsagnarfrestur er liðinn.

23.3 Hefji barn nám í grunnskóla fellur niður réttur til framlags.

24. gr.

Greiðsla framlags og meðferð rekstrarframlags

24.1 Rekstrar- og húsnæðisframlag er greitt mánaðarlega, eigi síðar en 20. hvers mánaðar fyrir yfirstandandi mánuð að því gefnu að leikskólinn uppfylli sínar samningsskyldur. Ekki er greitt í júlí mánuði.

24.2 Greitt er í samræmi við upplýsingar í leikskólakerfinu Völu eða á öðru formi, samkvæmt ákvörðun SFS, sem er lesanlegt í Völu. Þar skráir leikskólinn upplýsingar um öll börn sem uppfylla skilyrði um greiðslu framlags. Veita þarf m.a. upplýsingar um nöfn allra barna, forsjáraðila, kennitölur, lögheimili, tímabil vistunar barns í yfirstandandi mánuði, fjölda dvalarstunda samkvæmt dvalarsamningi og upplýsingar um hlutfall fagmenntaðra starfsfólks leikskólans.

24.3 Ef foreldrar sækja ekki um á vef Reykjavíkurborgar þarf að skrá upplýsingar vegna herra framlags, s.s. vegna námsmanna, öryrkja og einstæðra foreldra í leikskólakerfið Völu. Skráning skal eingöngu gerð þegar öll skilyrði samningsins eru uppfyllt, auk þess sem viðeigandi vottorð, umsóknir eða staðfestingar þurfa að fylgja, sjá nánar í reglum SFS um leikskólaþjónustu og gjaldskrá SFS vegna leikskóla Reykjavíkur á reykjavik.is.



Fylgiskjal 2

24.4 Leikskólastjóri þarf að staðfesta skráningu upplýsinga (bunka) fyrir hvern mánuð, í síðasta lagi 10. hvers mánaðar. Ef frestun verður á staðfestingu (bunkun) getur orðið samsvarandi frestun á greiðslu framlags til leikskólans.

24.5 Leikskólinn innheimtir sjálfur greiðslur frá foreldrum samkvæmt gjaldskrá skólans.

24.6 Rekstrar- og húsnæðisframlag verður ekki greitt lengra aftur í tímann en 3 mánuði frá umsóknardegi. Ef SFS hefur greitt framlag fyrir barn, t.d. vegna annarrar vistunar, verður rekstrar- og húsnæðisframlag lækkað um sömu fjárhæð.

24.7 Ef leikskólinn verður var við mistök í greiðslu framlags ber honum að tilkynna SFS um þau án tafar.

24.8 Rekstrarafgang af starfsemi leikskólans sem rekja má til fjárveitinga Reykjavíkurborgar skal nýta til að þróa leikskólastarfið. Þrátt fyrir það er rekstraraðila sem rekur leikskóla í einkahlutafélagi heimilt að ráðstafa allt að 75% af rekstrarafgangi ársins til útgreiðslu arðs. Í ítarupplýsingum leikskólans samkvæmt gr. 20.4 skal gerð grein fyrir því hvernig framangreindur rekstrarafgangur er metinn og hvernig honum er varið. Ef að leikskólinn er rekinn af rekstraraðila sem jafnframt rekur grunnskóla í sama félagi gildir hins vegar sú meginregla sem sett er í lokamálgrein 8. gr. reglugerðar um sjálfstætt rekna grunnskóla þar sem segir „Óheimilt er að taka fjármuni sem rekja má til opinberra fjárveitinga í formi arðgreiðslu eða öðrum fjárhagslegum ávinningi fyrir eigendur sem ekki tengist rekstri og skólastarfi. Þessi takmörkun á einnig við ef hinn sjálfstætt rekni skóli er seldur“.

[25. gr.

Rekstrarframlag fyrir börn frá 12/18 mánaða til 6 ára

25.1 SFS greiðir rekstrarframlag með þeim börnum sem dvelja í leikskólanum á hverjum tíma frá (a) frá 12 til 18 mánaða aldri vegna barna á ungbarnadeild og/eða (b) 18 mánaða aldri [vegna annarra barna] þar til barn hefur grunnskólagöngu um 6 ára aldur. Það er skilyrði greiðslu að leikskólinn hafi staðið við þær skyldur sem á honum hvíla samkvæmt 23. og 24. gr. Heildarfjöldi barna sem heimilt er að greiða framlag vegna á aldrinum 18 mánaða til sex ára er samanlagður fjöldi barna samkvæmt samningi vegna barna á aldrinum 18 mánaða til sex ára og samkvæmt samningi um ungbarnadeild 12 til 18 mánaða. Hinsvegar getur fjöldi barna á aldrinum 12 til 18 mánaða ekki verið umfram þann fjölda sem tilgreindur er í samningi vegna ungbarnadeildar. Þannig munu greiðslur framlags ekki falla niður þegar börn ná 18 mánaða aldri á þeim grundvelli einum að heimild til greiðslu framlags vegna tilgreinds fjölda á aldrinum 18 mánaða til 6 ára, sé fullnýttur. Hins vegar breytist framlagið til samræmis við það að greitt verður með þeim börnum til samræmis við framlög vegna eldri barna.

25.2 Rekstrarframlagið er byggt á áætluðum heildarkostnaði við börn í borgarreignum leikskólum, samkvæmt fjárhagsáætlun ársins, þ.e. áætluðum rekstrarkostnaði leikskóla Reykjavíkurborgar, á ársgrundvelli, þ.e. fyrir 12 mánaða tímabil að viðbætti fjárhæð vegna sameiginlegs kostnaðar leikskóla sem ekki er áætlaður á leikskóla Reykjavíkurborgar og að frádreginni húsaleigu, sértæks stuðnings og kostnaði vegna þjónustu og umsýslu vegna sjálfstætt starfandi leikskóla.

25.3 Heildarkostnaður (án húsaleigu og sértæks stuðnings) við hvert barn er tvískiptur, annars vegar kostnaður pr. barn í heilsdagsvistun og hins vegar kostnaður pr. dvalargildi, þ.e. vistunartími margfaldaður með barngildisstuðli. Rekstrarframlag á hvert barn er því reiknað út í tvennu lagi, fjárhæð pr. barn í heilsdagsvistun og fjárhæð pr. dvalargildi. Barn sem dvelur í leikskólanum í 5,5 klst. á dag eða skemur telst vera í hálfsdagsvistun, barn sem dvelur í 6 klst. á dag eða lengur í leikskólanum telst vera í heilsdagsvistun. Tvö börn í hálfsdagsvistun reiknast sem eitt barn í heilsdagsvistun. Fjöldi dvalargilda fyrir hvert barn fer eftir fjölda dvalarstunda og aldri barns.



Fylgiskjal 2

25.4 Áætlaður heildarkostnaður er skilgreindur nánar í yfirliti yfir rekstrar- og húsnæðisframlag í viðauka [1 og/eða 2].

[26. gr.

Rekstrarframlag fyrir börn á aldrinum 9/12 mánaða til 36 mánaða, ungbarnaleikskólar

26.1 SFS greiðir rekstrarframlag með þeim börnum sem dvelja í leikskólanum á hverjum tíma frá 12 mánaða aldri vegna barna hjóna og sambúðarfólk og frá 9 mánaða aldri fyrir börn einstæðra foreldra og námsmanna, ef skilyrði 23. og 24. gr. samningsins eru uppfyllt. Rekstrarframlag er greitt með börnum þar til þau verða 36 mánaða.

26.2 Rekstrarframlagið er byggt á áætluðum heildarkostnaði (án húsaleigu og sértæks stuðnings) við börn í borgarreknum leikskólum, samkvæmt fjárhagsáætlun ársins, þ.e. áætluðum rekstrarkostnaði borgarrekkinna leikskóla, á ársgrundvelli fyrir 12 mánaða tímabil að viðbætti fjárhæð vegna sameiginlegs kostnaðar borgarrekkinna leikskóla sem ekki er áætlaður á borgarrekna leikskóla og að frádreginni húsaleigu, sértæks stuðnings og kostnaði vegna þjónustu og umsýslu vegna sjálfstætt starfandi leikskóla.

26.3 Heildarkostnaður (án húsaleigu og sértæks stuðnings) við hvert barn er tvískiptur, annars vegar kostnaður pr. barn í heilsdagsvistun og hins vegar kostnaður pr. dvalargildi, þ.e. vistunartími margfaldaður með barngildisstuðli. Rekstrarframlag á hvert barn er því reiknað út í tvennu lagi, fjárhæð pr. barn í heilsdagsvistun og fjárhæð pr. dvalargildi. Barn sem dvelur í leikskólanum í 5,5 klst. á dag eða skemur telst vera í hálfsgdagsvistun, barn sem dvelur í 6 klst. á dag eða lengur í leikskólanum telst vera í heilsdagsvistun. Tvö börn í hálfsgdagsvistun reiknast sem eitt barn í heilsdagsvistun. Fjöldi dvalargilda fyrir hvert barn fer eftir fjölda dvalarstunda og aldri barns.

26.4 Áætlaður heildarkostnaður er skilgreindur nánar í yfirliti yfir rekstrar- og húsnæðisframlag í viðauka 1 og/eða 2.

27. gr.

Útreikningur rekstrarframlags

27.1 Rekstrarframlag fyrir hvert barn er reiknað út á eftirfarandi hátt:

Í þann hluta heildarkostnaðar (án húsaleigu og sértæks stuðnings) á ársgrundvelli sem er áætlaður pr. barn í heilsdagsvistun er deilt með áætluðum fjölda heilsdagsplássu í leikskólum Reykjavíkurborgar.

Mánaðarlegt rekstrarframlag fyrir hvert barn nemur 1/11 af árlegum heildarkostnaði að frádreginni mánaðarlegri hámarksgreiðslu foreldra, þ.e. greiðslu skv. gjaldskrá Reykjavíkurborgar vegna leikskóla sbr. 8. gr. þ.e. greiðslu skv. gjaldskrá skóla- og frístundasviðs vegna leikskóla Reykjavíkur margfölduð með 2,15 vegna ungbarnadeilda og ungbarnaleikskóla og/eða 1,15 vegna leikskóla fyrir börn á aldrinum 18 mánaða til sex ára, sjá nánar í yfirliti yfir rekstrar- og húsnæðisframlag í viðauka 1 og/eða 2. Rekstrarframlagið er greitt út mánaðarlega með ellefu greiðslum en ekki er greitt í júlí.

28. gr.

Útreikningur dvalargildis

28.1 Fjárhagsáætlun SFS vegna leikskóla Reykjavíkurborgar liggur til grundvallar útreikningi rekstrarframlagsins, sem byggir á meðalfjárheimild pr. barn í leikskólum borgarinnar að viðbættum sameiginlegum kostnaði en að frádregnum fjárheimildum vegna húsnæðiskostnaðar og sértæks stuðnings. Rekstrarframlagið endurskoðast árlega eftir að fjárhagsáætlun samkvæmt framangreindu hefur verið samþykkt, almennt í janúar ár hvert.



Fylgiskjal 2

Framlagið verður einnig endurskoðað ef breytingar verða í laga- og rekstrarumhverfi Reykjavíkurborgar, s.s. vegna breytinga á lögum, reglugerðum og kjarasamningum, fjárhagsáætlun Reykjavíkurborgar eða vegna kröfu um hagræðingu í rekstri, sbr. samþykktá fjárhagsáætlun. Mun SFS upplýsa um breytinguna svo fljótt sem verða má og eigi síðar en 14 dögum eftir að hún tekur gildi gagnvart leikskólum.

28.2 Framlag fyrir hvert dvalargildi er reiknað út á eftirfarandi hátt:

Í þann hluta heildarkostnaðar (án húsaleigu og sértæks stuðnings) á ársgrundvelli sem er áætlaður pr. dvalargildi er deilt með áætluðum fjölda dvalargilda í leikskólum Reykjavíkurborgar.

Mánaðarlegt rekstrarframlag fyrir hvert dvalargildi nemur 1/11 af árlegum grunni að framlagi að frádreginni mánaðarlegri hámarksgreiðslu foreldra, þ.e. greiðslu skv. gjaldskrá SFS vegna leikskóla sbr. 7. gr., margfölduð með 2,15 vegna ung barnadeilda og ung barnaleikskóla og/eða 1,15 vegna leikskóla fyrir börn á aldrinum 18 mánaða til sex ára. Rekstrarframlagið er greitt út mánaðarlega með ellefu greiðslum en ekki er greitt í júlí.

Fjárhæð pr. barn á mánuði kemur fram í yfirliti yfir rekstrar- og húsnæðisframlag í viðauka 1 og/eða 2.

28.3 Hlutfall fagmenntaðra starfsfólks leikskólans reiknast til hækkunar eða lækkunar framlags fyrir hvert dvalargildi í samræmi við yfirlit yfir rekstrar- og húsnæðisframlag í viðauka [1 / 2]. Leikskólanum ber að veita SFS upplýsingar um fagmenntun starfsfólks í gegnum skráningar- og upplýsingakerfið Völu leikskóla. Veiti leikskólinn ekki þær upplýsingar er gengið út frá því við greiðslu framlags að engir starfsmenn séu með fagmenntun. Skilgreining á fagmenntuðu starfsfólki kemur fram í yfirliti yfir rekstrar- og húsnæðisframlag í viðauka [1 og/eða 2] og getur tekið breytingum. Heimilt er að endurskoða hlutfall fagmenntaðs starfsfólks og prósentuhlutfall á hækkun/lækkun greiðslu.

28.4 Gert er ráð fyrir að öll börn taki sumarleyfi í 4 vikur og að leikskólanum sé heimilt að loka vegna skipulagsdaga í sex daga á ári, sem er sami dagafjöldi og hjá leikskólum Reykjavíkurborgar, án þess að rekstrarframlag skerðist.

28.5 Hærra framlag með börnum einstæðra foreldra, öryrkja og námsmanna og hærra framlag vegna systkina er háð skilyrðum reglna um leikskólaþjónustu. Hærra framlag er ekki greitt afturvirkir og miðast við þann dag er gögnum er skilað til SFS. Þó er heimilt að leiðrétta framlag einn mánuð aftur í tímann ef foreldri hefur t.d. láðst að sækja um afslátt og öllum skilyrðum var fullnægt á þeim tíma til samræmis við reglur um leikskólaþjónustu.

29. gr.

Húsnæðisframlag

29.1 SFS greiðir húsnæðisframlag fyrir börn með lögheimili í Reykjavík sem dvelja í leikskólanum á hverjum tíma.

29.2 Framlag vegna húsnæðiskostnaðar tekur mið af fjölda barna með lögheimili í Reykjavík í leikskólanum og skal miðast við að fermetra fjöldi pr. barn sé á bilinu 6-8 fm. pr. barn og 4.200 kr. pr. fermetra (miðað við 11 mánaða greiðslu), að hámarki skal miða við 8 fm. Fjárhæðin uppfærir fjórum sinnum á ári í samræmi við breytingu á húsnæðislið vísitölu neysluverðs (þ.e. 041 Greidd húsaleiga, 268,9 stig janúar 2024) í janúar, apríl, júlí og október. Ef fm fjöldi pr. barn er minni en 6 fm þá skerðist framlagið hlutfallslega frá þeirri viðmiðunartölu.

29.3 Sé leikskóli í húsnæði í eigu Reykjavíkurborgar þá skal húsnæðisframlagið þó aldrei vera hærra en sem nemur innri leigu sem leikskólinn greiðir til Eignasjóðs Reykjavíkurborgar margfölduð með hlutfalli reykvískra barna af heildarfjölda barna.



30. gr.

Aukaframlag vegna rekstrarþátta

30.1 Greitt er aukaframlag vegna jafnlaunavottunar, trygginga og endurskoðunar ársreikninga kr. 3.500 á mánuði með hverju barni með lögheimili í Reykjavík sem innritað er í leikskólann. Ekki er greitt vegna júlí mánaðar.

Sundurliðun fjárhæðarinnar er með eftirfarandi hætti: Greiddar eru vegna jafnlaunavottunar kr. 1.000, vegna endurskoðunar ársreikninga kr. 1.500 og vegna trygginga kr. 1.000. Fjárhæðin skal uppreiknuð í janúar á ári hverju og skal miða við gildi neysluvörðisítölu 1. janúar 2025 sem grunn.

31. gr.

Endurkrafa á ofgreiddu framlagi

31.1 Komi í ljós að SFS hafi ofgreitt framlag af einhverjum ástæðum, t.d. vegna rangra upplýsinga eða mistaka mun SFS lækka framlag til leikskólans við næstu greiðslu sem því nemur eða krefjast endurgreiðslu þrátt fyrir að barn sem ofgreitt hefur verið vegna sé hætt í leikskólanum. Rekstraraðili getur óskað eftir að endurgreiðslu verði skipt á þrjá mánuði.

VIII. kafli

Gildistími, endurskoðun, uppsögn, vanefndir, viðurlög og þagnarskylda

32. gr.

Gildistími, endurskoðun og uppsögn samnings

32.1 Samningurinn gildir frá 1. janúar 2025 til og með 31. desember 2028 og fellur þá úr gildi án þess að þörf sé á uppsögn eða tilkynningar.

32.2 Samningsaðilar geta hvenær sem er á samningstímanum óskað eftir endurskoðun á ákvæðum hans. Skal afstaða til rökstuddar beiðni um endurskoðun liggja fyrir með skriflegum hætti innan mánaðar frá því að hún var lögð fram sé þess kostur.

32.3 Sex mánuðum áður en samningstími rennur út skulu samningsaðilar taka ákvæði samningsins til endurskoðunar og taka ákvörðun um hvort að hann skuli framlengdur með eða án breytinga og þá til hve langs tíma.

32.4 Ef gerðar eru breytingar á samningnum í kjölfar endurskoðunar eða hann framlengdur skal gerður um það sérstakur viðbótarsamningur.

32.5 Samningurinn er uppsegjanlegur af beggja hálfu með sex mánaða fyrirvara á samningstíma og miðast uppsagnarfrestur við mánaðamót. Tilkynning um uppsögn skal vera skrifleg og afhent með sannanlegum hætti.

32.6 Gerður er fyrirvari af hálfu SFS um fjárhagslegar skuldbindingar samkvæmt samningnum eftir fyrsta ár samningsins en framlag getur lækkað verði fjárhagsrammi SFS skertur.

32.7 Litið er svo á að samningur aðila, dags. [dags. samnings] með síðari viðaukum, haldi gildi sínu þar til samningur þessi tekur gildi þann 1. janúar 2025.



33. gr.
Vanefndir og viðurlög

33.1 Leikskólinn skal upplýsa SFS svo fljótt sem verða má ef að rekstur leikskólans stefnir í að ógna rekstrarhæfi eða gjaldhæfi hans.

33.2 Ef verulegar vanefndir verða á einstökum ákvæðum samningsins hvað varðar starfsemi leikskólans að mati SFS og þær varða velferð barna í leikskólanum, skal hann gera leikskólanum skriflega grein fyrir því og óska úrbóta innan sanngjarns tíma miðað við eðli máls. Leikskólinn skal svo fljótt sem auðið er finna leiðir til úrbóta og framkvæma þær. Telji SFS úrbætur ófullnægjandi er honum heimilt að segja upp samningnum og fellur hann þá þegar úr gildi.

33.3 Ef líklegt þykir að fjárhagsstaða rekstraraðila leikskólans muni standa rekstrinum fyrir þrifum er SFS heimilt með 7 daga fyrirvara að óska tafarlausa úrbóta á fjárhagsstöðunni og ef ekki er orðið við því þá segja samningunum upp og fellur hann þá þegar úr gildi. Það skal vera sameiginlegt mat SFS og endurskoðenda leikskólans ef svo er talið. Upplýsingar úr ársreikningi leikskólans eða aðrar utanaðkomandi upplýsingar geta á hverjum tíma leitt til sérstakrar skoðunar á fjárhagsstöðu rekstraraðila.

33.4 Ef fyrir liggur að rekstrarhæfi eða gjaldhæfi rekstraraðila leikskólans er ábótavant að mati SFS getur Reykjavíkurborg sagt upp eða eftir atvikum rift þjónustusamningi við rekstraraðila leikskólann eða ákveðið að gera ekki nýjan samning.

34. gr.
Force Majeure

34.1 Hvorugur aðili verður talinn hafa brotið gegn samningi þessum, þegar honum er ókleift að uppfylla samningsskyldur sínar vegna atvika, sem rekja má til óviðráðanlegra ytri atvika (force majeure), s.s. vegna alvarlegra slysa, stríðsátaka, náttúruhamfara, deilna á vinnumarkaði, fyrirmæla stjórnvalda eða annarra óvæntra og ófyrirséðra atvika, sem samningsaðilum er ekki unnt að fyrirbyggja.

35. gr.
Varnarþing

35.1 Rísi mál út af samningi þessum skal það rekið fyrir Héraðsdómi Reykjavíkur.

36. gr.
Undirritun

36.1 Samningur þessi er undirritaður með fullgildri rafrænni undirskrift í samræmi við ákvæði laga nr. 55/2019 um rafræna auðkenningu og traustþjónustu fyrir rafræn viðskipti og reglugerð (ESB) 910/2014 um sama efni. Með undirritun ábyrgjast viðkomandi einstaklingar jafnframt að þeir hafi umboð til að skuldbinda aðila, með þeim hætti sem samningurinn gerir ráð fyrir.

Ákvæði til bráðabirgða

Ákvæði 6.12 í samningi þessum sem kveður á um að leikskólanum sé unnt að óska eftir sérákvæði í samningi vegna frávika frá kennitölu kemur til framkvæmda eigi síðar 1. júlí 2025. Vegna innritunar fyrir komandi skólaár 2025 - 2026 sem fram fer á tímabilinu 1. mars til 15. apríl 2025 er leikskólanum heimilt að innrita samkvæmt þeim innritunarreglum sem í gildi hafa



Fylgiskjal 2

verið hjá honum en þó með það að leiðarljósi sem áður og til samræmis við samninginn að innritað sé eftir kennitöluröð, elsta barnið fyrst, börn með lögheimili í Reykjavík.

Að innritun lokinni þann 15. apríl 2025 verður skipuð samstarfsnefnd af hálfu skóla- og frístundasviðs og Samtaka sjálfstæðra skóla sem hefur það verkefni að skilgreina hvaða málefnalegu sjónarmið, umfram þau sem nú þegar eru skilgreind í reglum um leikskólaþjónustu, geti orðið grunnur að heimild til frávika frá innritun eftir kennitöluröð í gr. 6.12 fyrirmyndar að samningi. Engu að síður gildir að Reykjavíkurborg er á grundvelli 26. gr. laga um leikskóla nr. 90/2008 heimilt að setja reglur um innritun í leikskóla í sveitarfélaginu. Gerður er fyrirvari um að það er skóla- og frístundaráð og borgarráð sem taka endanlega ákvörðun varðandi viðmið eða reglur um frávik, samþykkt eða synjun beiðna um frávik frá innritun eftir kennitöluröð.

Viðaukar:

Viðauki 1: Um rekstrar- og húsnæðisframlag vegna eldri barna

Viðauki 2: Um rekstrar- og húsnæðisframlag vegna ungbarnaleikskóla og ungbarnadeilda

Viðauki 3: Reglur um leikskólaþjónustu

Viðauki 4: Reglur Reykjavíkurborgar um styrki